



東白堂詞選初集卷之八

三韓佟世南梅岑選

大滌陸進蓋恩

定

西陵張星耀砥中

新城王士禛阮亭閱

中調

蘇幕遮

傷往

劉基

雨瀟瀟風嫋嫋柔夢相牽不覺春窻曉鴈到衡陽回

去了鏡裏離鸞。獨對琴臺老。楚天長。秦樹杳。山蹙
愁眉。江學回腸。繞滿地蒼煙。連碧草。弱水三千人隔。
蓬萊島。

其二

劉基

白雲山。紅葉樹。閱盡興亡。一似朝還暮。多事夕陽芳
草。渡潮落潮。生還送人來去。阮公途。揚子路。九折
羊腸。曾把車輪誤。記得寒蕪。嘶馬處。翠管銀箏。夜夜
歌樓曙。

病中夜坐聞隔席歡笑有感

王世貞

翠爐煙。紅燭雨。雨底銅壺。滴到難捱處。欲作新詩心
自語。身入中年。怕作關情句。酒如油。花似霧。談笑
風流。一霎拋人去。病與窮愁相絆住。殘懸天公。殘日
休如許。

夏景題茶

王世懋

竹牀涼。松影碎。沉水香銷。猶自貪殘睡。無那多情偏
着意。碧碾旗槍。玉沸中冷水。捧輕甌。沾弱醕。色授
雙鬟。喚覺江郎起。一片金波誰得似。半入松風。半入
丁香味。

咏枕

李 雯

翠屏高。羅帳小。半鎖雲窻。自共愁人倒。一幅瀟湘圖。
未了。斜倚金鈿。夜夜巫山曉。鳳釵寒。蓮漏悄。獨自
溫存。只索和衣抱。夢到君邊長草草。幾度香銷。更有
誰知道。

西湖送春

龔鼎孳

粉香城。歌舞地。明月今宵。偏照雙峰翠。一夜碧蟾涼。
似水。為送春歸。特到紅窓外。五更愁。千疊思。對月
端詳。不許垂楊睡。珠箔檀肩長共倚。斷鼓零簫。迸入

傷春淚

寒食

梁清標

杏花煙。榆莢雨。綠映平橋。又見春如許。油壁車輕寒。
食路細。草芳樽。邀取春光駐。轉鶯樓。歸鴈浦。柳外
梨梢愁。殺長亭暮。天意也知離別苦。片片輕雲。遮斷
人行處。

婁江寄家信作

彭孫通

柳花風。榆莢雨。試問春光。去也何匆遽。紅淚飄零千
萬樹。縱有黃鶯啼。到無聲處。旅顏殘。歸計悞。日日

東白堂詩選
尋思臨別叮嚀語。欲倩文鱗傳尺素。婁水無情不肯西流去。

寒食

錢 壘

杏花天。梅子雨。鷄黍年年花點孤山墓。不信杜鵑腸斷處。青草寒烟還有人來去。遣愁時凝恨處。絡索簾垂睡到高樓午。欲放海棠春不許。小小紅妝那禁蒙頭雨。

舟泊滄州

鄒祗謨

木蘭舟。楊柳樹。雨不關情挽宿由天暮。更有上流春

草渡。暗笑行人何事頻來去。往來人南北路。水宿風餐。半被繁華誤。驀憶江南煙月處。按拍傳觴。不管城頭曙。

塞上

尤 侗

朔風寒。邊月苦。虜篋西風吹亂黃花舞。夜半雪深三尺許。羶帳駝峰。倒載琵琶女。打圍來捲地去。銀管炊烟。茶煮烏羊乳。蠻府參軍窮塞主。疋馬隨他看射南山虎。

同香巖曉發平原

魏允枚

東白堂詩選
隴頭雲。坡上雪。風掃枯楊。滿地堆黃葉。共對孤燈清。
漏咽一枕寒鷄。叫斷荒村月。旅魂銷。鄉思折。夢杳。
家山塞草連天。澗野燒熒熒。光未滅。緩控金羈。前路。
霜蹄滑。

閨病

沈謙

燕聲嬌。花影碎。日過窻西。猶自恹恹睡。一綫情絲常。
似醉。九十春光。半擁鴛鴦被。靨銷紅。眉斂翠。便到。
沉身。總是多情淚。說與東風。都不會。鏡子裙兒曉得。
人憔悴。

題竹青女郎祠

沈謙

殿雲鮮。庭樹綠。旛裊溪風。溪水明如玉。遊女穿花高。
髻蠹踏破紅裙。爭唱迎神曲。夢來遲。春去速。月照。
蒼梧。夜夜啼湘竹。何事小姑居處。獨紫燕雙飛。時把。
晴絲觸。

偶拈

吳景斌

竹窻幽。荷沼淺。霜葉紛飛。籬落堆教滿。纔送春歸愁。
未遣。又是秋來。意興都成懶。雨瀟瀟。風剪剪。啾啾。
寒蛩。遍繞凄凉館。盼到而今。魚鴈斷。儂自多情。不信。

伊情短

題葉桐庵為予寫秦亭高隱圖

張綱孫

亂峰前。斜日下。有個茅亭。構得真幽雅。試問何人身。在畫一部虬髯。戟戟蒼松。桂樹凝秋。雲似夏流水。高山不用琴音寫。橋外行來誰隱者。酒社詩壇。又早相尋也。

夜感

張雲錦

玉杯深。春酒醺。身似山頽。謾倒雙紋簾。珠箔低垂門

半掩。鄉夢初回。月影移花檻。枕衾寒。情思減。架上圖書。總好無心覽。長夜無端生客感。不斷西風。歷歷傳更點。

懷人

潘雲赤

五更初。三月暮。窓內人愁。窓外風吹雨。惆悵落花誰做主。社字無聲。已到銷魂處。夢難憑。情怎訴。脈脈幽歡。祇恁輕辜負。金鴨香銷。人獨語。煙樹江村。屏上相思路。

感懷

牛日收

東白堂詩選
白雲來紅日去。暮暮朝朝。幾度流光曙。家在天津城外住。畫鼓樓船。總是傷心處。杏花溪。楊柳渡。野水寒煙。夢斷前村路。曾記年時遊別浦。一片黃蘆。飛出無邊絮。

憶別

聶鼎元

意縈縈。情縷縷。泥我嬌癡。年紀纔三五。記得臨行攜手語。好個春光。忍便拋人去。綠楊堤。芳草路南陌。東城都是關心處。今夜不須扃繡戶。月暗花深。怕有香魂度。

春情

沈士則

水邊樓。花裏月。澹冶睂山。楊柳飛春雪。連理枝斜人彷彿。綵線慵拈。拋下同心結。枕衾寒。窓檻熱。站立多時。沉水香燒滅。隔院小鶯能弄舌。便欲尋他。恰見雙雙蝶。

鼓琴

高式青

雨初晴。天已暮。簾影模糊。纖月微雲護。一曲相思纔欲度。流水泠泠。自把幽懷訴。撫鴟絃。調鴈柱。爲憶年時。促膝翻新譜。惆悵知音何處去。幾片梅花。不住。

東白堂詩選
迎風舞

夜懷

沈載錫

樹含煙山帶雨。葉底峰頭。不辨行人路。羅帕淚痕多。
寄與。怎又模糊。留取賓鴻住。藕絲牽。梅子苦。瘦盡
腰肢。總被清宵悞。斜月窺簾低。綺戶滿閣西。風歷歷。
三更鼓。

感懷

沈漢

小樓春芳院暮。翠映紅遮。處處迷香霧。坐待宵深扁
繡戶。半蟬金釵倚枕輕輕語。彩雲流。纖月吐。荳蔻

花開。不耐凝新露。漏斷玉壺天欲曙。柳外鶯兒啼過
紗窓去。

隔簾聽幼女調箏度曲

嚴曾相

艷陽天。佳麗地。忽聽清音。聲出珠簾裏。嬌小盈盈才
十四。巧學春鶯一點櫻桃碎。度霓裳。調翡翠。隱顫
蝦鬚。惹得人如醉。舉止翩躚渾解意。試問芳心。可解
相思未。

滕王閣懷古

張振孫

對西山。臨豫水。帝子曾遊。歌舞瓊筵醉。更是名流高

東白堂詩選
會地童子揮毫。一座皆驚避。捲珠簾。延爽氣。秋水長天。風景何曾異。休道詞人無足繼。只恐神龍不送扁舟至。

閨夜

沈豐垣

繡衾寒。珊枕膩。不慣單棲。睡却頻頻起。喚着侍兒醒也。未。柳顫花搖。門外猶兒吠。漫尋思。空徙倚。月影團圓。曾照人連袂。露下碧天涼似水。今夜如何。又到紗窓裏。

紅樓

沈豐垣

藕花洲。桃葉渡。行近橫塘。迷却來時路。芳草紫騮嘶。過處簾幕吹香。十里紅樓霧。雨初收。天漸暮。不扣雙鏡。悄自開朱戶。新月照花花欲語。燕子無端。誤在花間住。

立秋後一日遊飛來峰

諸匡鼎

藕花殘。桐葉落。紈扇停搖。新爽堪行樂。澗底泉聲猶似昨。宋玉多悲。一夜秋風作。漫流連。空錯愕。何處飛來。天外閒丘壑。杳杳洞門無鎖鑰。竹雨松雲。巢遍歸來鶴。

同蔣馭鹿集姜旂六池上樓 顧有年

喜登樓。還作賦。偶爾淹留。正值秋光暮。洛水偏宜仙
子度。一枕幽情。客夢迷湘浦。掩朝霞。停宿霧。鶴唳
橫空。驚起芳洲鷺。隔斷紅塵桃葉渡。不信仙源尚有
劉郎悞。

傷春

俞士彪

越陰微。池草細。纔說春來。打點傷春意。花煖晝長渾
似醉。沒甚心情。鎮日和衣睡。到如今。思往事。江北
江南。都是傷心地。幾曲闌干頻徙倚。斷盡柔腸。只在

東風裏。

懷別

狄循厚

片帆遙。雙槳急。便欲留伊。留也如何得。望裏雲山偏
咫尺。燕去鴻來。做就愁如織。繡床閒。羅袂濕。金鴨
香寒。守得天將黑。怨煞夕陽芳草色。失却郎踪。滿眼
春煙碧。

疎狂

張星耀

落花堤。芳草渡。年少疎狂。不解分離苦。湖上風光餘
幾許。銀燭珠樓。夜夜留春住。嘆飄零。悲倦旅。老大

東白堂詩選
多情對景傷遲暮。寂寞舊遊無覓處。白馬青衫醉裏。斜陽路。

客懷

張星耀

鴈橫天。雲滿塞。客共秋風同到。天涯外。江驛瀟瀟。疏雨洒。寒日無言。獨與愁相對。菊花殘。荷葉敗。無主光陰。何計能留待。記得玉樓人共醉。帳煖香濃。夜夜春如海。

春閨

張星耀

翠幃深。香夢淺。一夜東風。春色都吹變。紅日滿窓蒸

睡暖。簾外鶯兒喚。起梁間燕。信難傳。人又遠。蛛網簷楹。日日絲千轉。飄蕩不知歸早晚。生就楊花心性。無拘管。

漁家傲

漁父

陳霆

薄晚煙林收紫翠。澄江皎月秋無際。六尺釣竿隨手製。絲綸細。流光動處魚龍避。試問雲臺成甚事。直鈎自得閒中意。夜靜水寒波不起。船頭睡。西風夢冷蘆花被。

愁懷

王世貞

細雨輕煙裝小暝。重衾不奈春寒橫。裊盡博山孤篆影。閒自省。天涯有個人同病。十二巫峯圍畫永。黃鶯可喚梨花醒。兩點芳波指不定。臨晚鏡。真珠簌簌胭脂冷。

雨後

梁清標

小雨纔收風謾謾。修篁交響闌干曲。澄湛一泓鷓鴣浴。酣睡足。鳥啼疑傍山家宿。瀟灑閒堦桐覆屋。花開花落無拘束。門外任他車馬簇。人新浴。鬢雲低映

窓紗綠。

塞下

孟稱舜

數點紅旗斜照水。千羣牧馬連天起。古道長河殘照裏。心欲碎。黃花滿地征人淚。三月天南歸鴈未。上林隻字憑誰寄。烟樹茂林家萬里。風光異。飲將悶酒城頭睡。

畫眉鳥

丁澎

消盡輕黃蛾暈小。一彎石葉啼妝巧。曾被阿環偷見了。傳書早。遠山猶帶霜痕姣。莫向昭陽爭窈窕。十

眉圖樣分多少。可惜謝娘秋漸老。慵臨照。錯將玉粉和愁掃。

立春曉起偶作

沈謙

新歲昏昏愁只睡。日光照入簾櫳內。六幅素屏閒似水。因底事。曉來題徧銀鈎字。砌草庭梅徒自媚。白頭慣灑多情淚。醉裏不知春已至。重審視。彩蛾金燕分明是。

別情

沈豐垣

咽金簧聲欲斷。夕陽已盡離亭宴。匹馬荒原嘶漸

遠。回頭看。西風吹冷芙蓉面。偏是有情容易散。別愁幾許相縈絆。短柳長亭行又轉。人不見。平蕪一帶和煙剪。

嬌小

吳儀一

嬌小如花猶未吐。春情已向眉稍露。聽着關心風月句。羞不語。低頭自把裙花覩。貪耍時常離繡戶。學歌學舞無心緒。最是一些堪恨處。難挽住。匆匆轉過鞦韆去。

踏莎美人

六橋

顧貞觀

渺渺風帆。淒淒煙樹。望中便是儂行處。離魂別後若
相招。分付採菱歌畔。木蘭橈。水驛傳更。江樓聽雨。
此情好待歸時語。雙魚一夜送秋潮。應自有人。雙淚
滴紅橋。

明月逐人來

秋閨

陸進

蛩吟雕砌。螢飛金井。芙蓉岸月明如鏡。夜深竚立。苔
濕雙趺冷。還向玉闌閒凭。况是離情無那。愁春未

醒。銀塘內。殘荷猶賸。小鬟催說。繡被熏香。等正是天
街人靜。

破陣子

放歌

吳綺

少小曾工擊劍。從前愛讀離騷。五色文章修鳳閣。十
載郎官困馬曹。而今悞寶刀。衣上未彈塵迹。鏡中
贏得霜毛。事業漫誇能渡虎。意氣猶能擬釣鰲。醉來
時自豪。

客懷

佟世南

東白堂詩選
南越烽煙黯黯。東吳驛路迢迢。馬上十年來復去。露影霜花滿寶刀。倦途楓葉飄。幸有金尊醉客。征鞍暫駐今宵。夢斷關山秋鴈度。酒醒江城夜月高。冷風吹敝貂。

鳳銜杯

舊恨和柳七韻

丁澎

屏前私結今生願。憶不了當初歡怨。正生小俱癡。尋花逐蝶爭閒玩。只避得人前眼。到如今全不管。恁心情風兒吹斷。將淚雙綃斷腸。一紙交伊看。怎推

得無人見。

月中柳

湖上春行同毛稚黃作

沈謙

少年曾共踏青遊。酒滿十三樓。香塵不斷。吼驂騶。芳草藍深。天桃紅淺。白了人頭。山如屏障。周遭在。難抵住一段閒愁。停杯無語。思悠悠。飛絮蒙天。游絲着地。不要遮留。

醉春風

春情

王昶

滿眼楊枝絮。一陣桃花雨。春光抵死要相留。住住住。
斗帳香溫。羅衾寒薄。越添愁緒。芳草春鶯語。馬首
長亭路。空山花鳥。餞東君去去去。不恨春歸。恨春無
限。竟歸何處。

春感

吳儀一

小立屏山簇。春愁堆一曲。落花和淚撲。輕寒。簌簌簌。
兩個黃鸝。飛來無語。惹人幽獨。望裏青天促。無奈
迷春目。斜陽芳草。帶煙波。綠綠綠。羞殺東風。隔樓吹
送。合歡絲竹。

別怨

俞士彪

曾說休迤逗。何事輕分手。別來莫道不相思。穀穀穀。
殘月簾西。暮雲樓上。那些時候。春色來何驟。人意
應非舊。歸期曾指杏花殘。謬謬謬。望到如今。看看又
是海棠開後。

酷相思

春閨

李國漁

東風不管人。凄楚。一樣把芳春布。酒痕淚點。皆成露。
人在也。花千樹。人去也。花千樹。花愈歡。欣人愈苦。

東白堂詩選
盼斷歸來路。若再相逢。情不顧。愛我也留他住。恨我也留他住。

石頭城懷古

佟國器

百尺高臺臨鶴渚。凭弔悲今古。看滾滾長江無曉暮。前代也東流去。後代也東流去。朱雀橋邊芳草路。幾遍風和雨。問佳麗六朝遺恨處。鶯語也如相訴。燕語也如相訴。

旅情

曹心溶

象拍何須歌艷句。又燒燭紅窓暮。嘆今古韶華留不

住。花落也催歸去。葉落也催歸去。失意多因杯酒。誤辜負春無數。只樓外江山成客路。鴻斷也書來處。雲斷也愁來處。

冬日行彰德衛輝諸處馬上作

陳維崧

趙北燕南多驛路。見一帶霜紅樹。又天外亂山青可數。楚臺也知何處。雀臺也知何處。一鞭裊裊臨官渡。鴈叫酸如雨。儘古往今來誇割據。漳水也東流去。淇水也東流去。

淡黃柳

無題

陸雋

新來較懶。不耐拈鍼線。愛殺海棠顏色靚。昨日先開
一半。欲折回身怕人見。西風晚。靈蛇髻鬟亂。臨池
照秋波淺。見衡陽鴈影方來到。寒觸輕煙。愁粘衰草。
真個年年忒慣。

品令

幽懷

丁澎

手撚相思子。覷瑣閣深難寄。知他倦倚。藥欄香裊。蹙

殘眉翠。九十春光添做百分憔悴。此情知未向伊
說。從何起。不如除却今番。慢把相思再理。何處安排。
醉裏愁裏夢裏。

厭金杯

吳山雪望

沈謙

山接荒城。沙昏斷浦。倚危欄江天欲暮。六花紛繞。撲
面更沾衣。揮難去。似我離情最苦。獸煙不斷。貂錦
添寒。恰又是潮生風怒。素車白馬。人道子胥魂。公莫
舞。一醉愁消萬古。

東白堂詩選
一行香子

春思

馬洪

紅遍櫻桃。綠暗芭蕉。瑣窓深春思無聊。雙飛燕懶。百
轉鶯嬌。正漏聲遲。簾影靜。篆香飄。惜月前宵。病酒
今朝。有誰知。臂玉微銷。封題錦字。寄與蘭翹。恨樹重
重。雲渺渺。水迢迢。

憶青藤古塢

梁允植

雨洗丹楓。霜染秋容。臥蒼苔啼遍寒蛩。老藤經歲。百
折游龍。想倚疎梅。傍修竹。附喬松。閉庭誰主。鎮日

雲封冷牙籤。筆陣詩筒。花枝欲嫁。一付西風。任拂垂
楊。開黃菊。放芙蓉。

離情

丁澎

纔住香車。忽過平沙。片時間人遠天涯。今宵好夢。何
處尋他。但一更鐘。三更雨。五更鴉。愁對飛花。怕見
殘霞。別離情。付與琵琶。斷菟江上。吹落誰家。正夢兒
來。燈兒暈。枕兒斜。

賣花聲

代閨人咏鏡
潘雲赤

東白堂詩選
翠幕如煙。一架菱花偏黑。曉妝成。慙慙無力。捧心側。坐有淚珠偷滴。見斜簪鳳釵金翼。乍開仍掩。惆悵舊歡難覓。助淒涼。寒光半尺。深顰淺笑。問何人憐惜。儘知情。怎生瞞得。

記儂

吳參成

鶯脰湖邊。記得儂家傍水。小紅樓。香肩並倚。春風柳外。被一聲鶯起。有輕舟搖來窻底。簾旌翠額。錯認玉郎歸矣。到而今。音沉雙鯉。賺人煩惱。想多情如此。拚尋向。溫柔鄉裏。

立春日平原道上作

彭孫適

芳甸青旗。山縣迎春時候。無端獨向風塵走。去年今日。酒重沾衣袖。簾幙捲花封如繡。迢遞家園。景色還應依舊。高樓不展橫雲皺。重門深掩。鵲腦歎金獸。怕春來更添消瘦。

離別

彭孫適

槐樹陰濃。小院晚涼時節。別離可奈腸如結。歌喉輕轉。聽唱陽關徹。情脈脈。幾回嗚咽。細語叮嚀。道且自消停。這歇燈火高城。更未絕。殘粧重整。送向門前。

別。拚。今。宵。爲。伊。啼。血。

愁

凌如升

無限春愁。縈繞心頭眉角。對韶光轉添寂寞。淚彈紅
茜。是處衷情惡。奈楊花亂穿簾幙。樹底啼鶯。不管
離人蕭索。一聲聲向誰啼着。爲伊憔悴。漸帶圍寬却。
最難禁。夢魂飄泊。

客懷

李式玉

匹馬西來。旅店行人初歇。正燒燈上元時節。竹西歸
路。聽簫聲吹徹。問何處廣陵城闕。冉冉江雲。推出

一輪明月。照離人頓增華髮。故園春到。應也傷離別。
燃梅花幾時低說。

解珮令

無題

劉縈嗣

秋晴也惱。秋陰也惱。見秋月當頭也惱。月色如冰。却
奏着霜天寒峭。怎奈他夜長難曉。征途也惱。邊城
也惱。都不似羈人更惱。如此澄暉。不解把煩魂垂照。
只解將催人速老。

秋夜聞蟋蟀

倪晉

東白堂詩選
更移銀漏。月懸玉杵。一聲聲。霜前私語。說甚來由。剛
驚斷天涯幽夢。又催成閨中愁緒。情深如訴。恨長
無緒。費清吟。夜涼庭宇。汝自悲秋。偏向着小窻。縷縷
最堪憐。暗風疎雨。

錦纏道

重陽

曹爾堪

疎柳催黃。巖桂香流。晴晝晚禾。酣稻畦如繡。浮萍吹
斷蓮漪。嫩白藕花殘。秋架垂紅豆。時節重登。高山
依舊。去年人漸成白首。問西風直恁殷勤。向東籬深

處。剪破黃花口。

三萸子

偶憶

鄒祗謨

憶玉蘭花下。初見芳蹤。眉欲語。意纔通。衣香清更馥。
膚彩瘦偏豐。人悄悄。雨濛濛。正相逢。熒熒面的。窈
窕。跌弓。蛾黛蹙。臉朱融。柔鄉多懊惱。佳會易怔忡。長
記取。裙上泪。石榴紅。

偶見

洪昇

記綠桑深處。烟裊雲拖。含翠黛。轉嬌波。微行鶯罷舞。

不語燕停歌。花旖旎。柳婆娑。奈愁何。歸來書閣。月
淡風和。春太少。夜偏多。夢魂空着我。名姓失詢他。追
怨殺。那一晌。更癡麼。

離鸞

效黃山谷體

狄循厚

我當初見你情美意美。錯認是一雙好對。睡裏夢裏。
不想道。生生地。把團圓鏡兒。撲碎。到如今。隔着千
里。萬里。便信也沒人。稍寄想你。一會。却。就似見你。一
會。要。不想。怎。不想你。

青玉案

春思

劉基

昨朝日出今朝雨。望不見。愁來路。逕滑泥深妨縱步。
玉樓深閉。美人何處。花謝誰為主。離弦不繫鳴箏。
柱。但滿眼相思。泪如縷。關塞迢迢音信阻。千重雲水。
萬重烟樹。心逐征鴻去。

江上聞居窮懷

楊基

雪消天氣。東風猛。簾半捲。猶嫌冷。怪問春來長不信。
一春都是酒徒花伴。醉了重相請。而今白髮羞垂

領靜裏時將舊遊省。記得孤山堤上景。一灣流水半
痕新月。畫出梅花影。

春雨閨思

陳子龍

海棠枝上流鶯轉。試小立。春風面。細草凌波紅一線。
碧雲凝照。綠楊零亂。重鎖深深院。甘蕉翠滴當心
捲。寫徧相思空自遣。歸去枕函曾夢見。一天星月滿。
庭風露吹落梨花片。

喜晴

羅坤

青山如沐烟如練。喜小坐。梨花院。晴暖園林鶯語轉。

柔枝低亞。嬌葩欲吐。處處春風面。樓頭女子珊瑚
釧。梅豆手搓牙齒濺。試問閒愁誰慣遣。銀笙漫炙。朱
弦初換。驚起新來燕。

和徵之懷家叔燕邸

魏允枚

澄江五月明如練。送鷁首。辭鄉縣。桂子飄香垂椀變。
江南薊北。滯鴻離燕。一一關情徧。車塵馬跡燕山
甸。幾度行遊壯心倦。無奈相思人不見。萼羨千里素
衣重換。只是歸來便。

惜別

曹爾延

曉粧纔罷香雲擁。正臨別。將心捧。解珮凌波疑似夢。
莫愁湖畔。洛神江上。唯有春潮湧。關山迢遞須珍
重。銷魂最怕鶯聲弄。拾得離懷千萬種。繡簾風裊。綺
窓人靜。羨殺秦樓鳳。

無題

王士祿

清宵盼盼銀河路。只惆悵。華年去。密約芳期經幾度。
紅弦翠管。風簾月篔。并與人何處。別時夏杪春還
莫。燕燕鶯鶯漫成句。舊事縈心還幾許。微醺曾訪。短
篷相遇。荷葉西陵雨。

和韻

賀裳

芳郊雨霽香輪繞。花深處。爭先到。一簇羅衫紅嫋嫋。
畫扇俄藏。金壘頻舉。半晌聞歡笑。醞飲掩過存芳
草。斜日催歸喧宿鳥。人遠漫憐踪跡杳。幾徑蒼苔數
層紅雨。印得凌波小。

清明

計善

東風一醉清明路。從此芳華送去。繚繞白楊誰與語。
荒池碧苑。青門朱戶。零落釵鈿處。春宮但闕蒼苔
暮。玉腕金科怨朝暮。鬪草亭前蝴蝶舞。寒烟曉起香

東白堂詩選
塵夜鎖幾陣。催花雨。

寫恨

沈謙

望中渺渺相思路。便咫尺。難來去。幽夢雖輕吹不度。
畫堂南畔。玉櫳西面。誰是無人處。隔牆花暝春風暮。
青鳥仙書無一句。總是伊家真個許。晚雲籠罩重門深閉。又下黃昏雨。

滕王閣

董俞

萍踪又踏章門路。正高閣。斜陽暮。寂寞一尊空弔古。
長天秋水。落霞孤鶩。端的才人句。雲帆極目紛來

去。檻外江流自吞吐。試問昔人高會處。漁歌四起。藕花蕭瑟。依舊西山雨。

九日

彭孫遹

寒烟衰柳西陵路。是一幅悲秋賦。凝望蘅皋天欲暮。
蕭風吟葉。濕雲粘樹。不見登高處。東籬把酒黃花吐。
吐應插遍茱萸無數。美景良辰誰與度。露蛩聲咽。霜砧響斷。枕上瀟瀟雨。

漫題

唐虞

少年情緒傷春懶。把筆便成題怨。辜負雙蛾頻解勸。

此生能幾當。杯須飲。怎賤將春看。而今憔悴天涯。畔欲寄音書。倩霜翰。無限青山烽火。遍酒徒零落。朱顏銷歇。愁聽寒蟬喚。

秋閨夜思

鄒陞

空庭歷亂梧桐月。正畫帳三更歇。鳳帳鸞衾香未揭。同心空縮。合歡生割。奚落金挑脫。愁心不耐清箏撥。青鎖眉尖烟一抹。幽夢隔簾人恍惚。孤鴻聲悄。亂蛩啼歇。今夜霜天濶。

春閨風雨

宋思玉

灞橋楊柳銷魂處。正花落如紅雨。半捲湘簾飛柳絮。錦帶同心。丁香百結。無奈春歸去。子規啼盡青山路。愁恨萬千春幾度。着意問花花不語。玉簫吹罷。闌干斜倚。底事傳鸚鵡。

紫雲洞

吳綺

遙看鳥道渾無語。但一澗沿花去。澗盡忽逢雲宿處。藤蘿日月。莓苔今古。撐得媧天住。陰陰石磴鳴仙鼠。百狀虬龍向人舞。足下分明聞客語。沾衣空翠濛濛。烟霧忽作山中雨。

閨怨

姜培穎

連朝杜宇催春去。聽幾陣黃梅雨。夜靜金猊烟一縷。錦屏光歛。繡衾香膩。寂寞燈花語。歸期未卜人何處。僥倖今宵夢中遇。可奈雞鳴留不住。銷愁無計。埋愁無地。只恨當初悞。

別情

錢璜

別時把酒臨官渡。正梅萼香初吐。相訂歸期今又誤。碧梧新引。綠楊飄絮。早是傷春暮。鬢高盡日閒凝竚。無限離愁向誰訴。幾欲題詩相寄與。滿床月色。一

簾花影。夢斷譙樓鼓。

天仙子

離情

楊慎

昔共當年遊冶樂。小小池塘深院落。相親相近不相離。花下約。柳下約。一曲當筵金絡索。回首歡娛成寂寞。驚散鴛鴦風浪惡。思量不合怨旁人。他也錯。我也錯。好段姻緣生誤却。

夢中作

楊慎

蓮葉為舟絲作索。渡口梅花歌扇薄。一聲留得滿城

春金鑿落銀鑿落。醉裏不知愁緒惡。別後那回華表鶴。一點芳心無處着。雲中誰寄錦書來。春寂寞。人寂寞。綠徧汀洲生杜若。

春恨

宋徵輿

幾陣飛紅簾外急。滿天風雨迷南北。錦幃獨自夢無聊。清泪滴。羅衣濕。欲待銷魂銷未得。無數江山雲樹碧。暮愁滿眼看鄉國。年年三月為誰春。今與昔。難重憶。有限鶯花空愛惜。

春夜

宋徵輿

香散雲屏遲玉漏。剪剪霜風搖翠袖。春星斜挂杏花梢。紗窻口。金釵溜。清露幽輝人影瘦。歸向銀床鬆寶扣。羅帳薄。垂紅燭。透。誤人偏是好思量。心頭有。眉頭皺。腸斷五更風雨後。

歡會

陳子龍

十二畫屏圍楚岫。一縷水沉攜滿袖。小桃纖甲印流霞。聽玉漏。人歸後。兩點橫波微暈透。豆蔻梢頭春尚瘦。雲膩暖。金燈下溜。鏡臺斜背解羅衣。芙蓉繡。生香扣。寶秣酥胸紅影皺。

春情

夏完淳

紫玉轆轤青錦索。金井梧桐寒寂寞。霜鞦馬上冶遊郎。花下約。燈前諾。人在畫樓牽翠幙。無奈愁人春夢惡。泪點羅衫春袖薄。一江烟草亂相思。當初錯。而今莫。雁又不來花又落。

送春

凌斗垣

上苑韶光餘幾許。青帝暗催嘉節去。問春何故便拚歸。花誰主。飛紅雨。乳燕呢喃鶯倦語。無計留春春不住。望斷江南芳草路。松門密蔭繞簾櫳。愁無數。凝眸處。回首斜陽遞綠樹。

秋閨

施鑿

蛩聲填出離愁譜。斜日垂簾紅一縷。為誰收拾上眉尖。無人處。深深語。天涯往事難重數。一片秋蟾林額吐。不道歸期今又誤。晚雲陣陣捲愁來。閒庭宇。黃昏雨。燭花照夢誰為主。

無題

徐喈鳳

憶自當年燕市別。萬里雲山心似結。錦箋欲寄雁魚稀。詩滿篋。詞滿篋。邂逅湖頭情倍淡。供奉才華真

秀絕十載。藜燈輝帝闕。偶尋山水共班荆。吟不歇。書
不歇。領取西湖風與月。

秋夜宿池畔樓感舊

李璿

鷓鴣一聲幽夢醒。珊瑚枕上啼珠凝。呆魚風急滅殘
燈。銀漏永。蛩聲靜。獨對一簾花月影。池上鳴琴樓
上詠。往事於今空記省。相看誰似那回時。風偏勁。雨
還橫。秋草芙蓉清夜冷。

夜情

仲嗣留

寂寞深閨。簾幙閉。几上獸爐香細細。坐殘明月憶佳

期。書不至。人不至。夜夜燈花空自墜。千點傷心銀
漏水。暗把輕衫揩血泪。玉壺疎蕊浸寒冰。花不睡。人
不睡。閒却床頭紅錦被。

阜亭看桃花

佟世南

隱隱青山濛碧霧。小艇但隨流水去。荒村何處問桃
花。芳草渡。斜陽暮。一片紅雲遮去路。偏怪東風吹
不住。點點胭脂飄細雨。人家疑在武陵源。花亂舞。鶯
亂語。只恐劉郎來又悞。

兩同心

新燕次宗梅岑

吳綺

舞。煞。東。風。一。春。無。盡。恨。芹。泥。未。穩。雲。廊。見。柳。絮。纔。經。
露。井。怎。不。記。王。謝。堂。前。夕。陽。紅。冷。小。院。窻。紗。綠。靜。
翩。翻。自。引。喜。雙。雙。剪。股。花。分。憶。兩。兩。釵。梁。玉。並。更。誰。
知。漢。殿。留。仙。那。人。孤。影。

殢人嬌

送春

毛嫫

花。落。花。開。裊。裊。游。絲。百。尺。縮。不。住。春。光。九。十。鶯。聲。漸。
老。欲。轉。嬌。無。力。回。首。望。綠。樹。黛。烟。同。色。堪。嘆。而。今。

已。成。疇。昔。簾。外。燕。子。雙。飛。急。呢。喃。畫。閣。對。儂。如。相。識。
腸。斷。處。最。是。黃。昏。人。寂。

別情

沈謙

斜。月。籠。花。恨。殺。鄰。雞。無。賴。人。倦。起。強。持。裙。帶。寒。幃。絮。
語。道。殘。燈。猶。在。留。不。住。便。緩。些。兒。何。害。雲。鞞。垂。鬟。
山。低。接。黛。彈。粉。淚。傳。觴。心。懈。紫。騮。嘶。緊。在。綠。楊。烟。外。
全。不。管。此。際。殢。人。嬌。態。

秋感

陸進

到。得。秋。來。添。却。淒。涼。情。緒。望。一。水。盈。盈。難。語。無。端。樓。

東白堂詩選
上墮綺思佳句。疑想着更無些兒是處。江上芙蓉。拒霜含露。竟沒個幽人爲主。西風冷落。任送歸塵土。且細聽花枝晚來愁雨。

無題

吳綺

花壓紅檐。縹緲梨雲一縷。睡不盡畫樓春雨。翠鬟安妥。怕鸚哥傳語。誰解道。情在暖香深處。巫峽朝行。洛波晚渡。算難得柔懷如許。桃慵柳困。細把眉峰數。人待起。又被眼波留住。

月上海棠

石葉齋頭小集

越闕

涼蟾檐角無些翳。芭蕉深處層層翠。四座濃陰被輕風。把他揉碎。無拘繫。縱是詼諧善戲。金衣一曲。添嬌媚。洞簫吹。嫋嫋憐還未。教道相思。奈何頻喚人都醉。鶴初醒。又繼漏聲清唳。

佳人醉

本意

王昫

不解蕭郎何意。賺得人兒沉醉。正欠伸將起。腰肢無力。倦彈雲髻。怪底了鬟問訊。却朦朧星眼。開還閉。

東白堂詩集
玉顏紅膩。扶上翠樓。羅衣忘解。斜向牙牀倚。整鴛被。春光難繫。試看海棠醒未。

歸田樂引

怨情

沈謙

眉細元非繳。臉如天花嬌媚。只是芳年小。許了又悔了。去了來了。弄得人心喜還惱。寄書都不報。却傍花屏低聲笑。柔腸縈損。爭是無情好。是了已悟了。罷了。丟了。驀地腮邊淚珠掉。

江城子

秋景

劉基

西風吹樹。簾涼初露如珠。月如梳。鴻雁無情。不帶半行書。漫倚闌干成小立。人老矣。倩誰扶。中庭梧葉待霜疎。有栖鳥。夜相呼。門外一池寒水落芙蓉。爲問閒愁還幾許。多似草。不勝鋤。

舟婦

高啓

芙蓉裙袂最宜秋。柳邊頭。自撐舟。一道眼波斜。共晚波流。驀地逢人回首笑。不識恨。却知羞。夕陽猶在水西樓。漫歸休。欸相留。教唱灣灣。月子照湖州。不怕

鴛鴦驚起了怕江上有人愁。

秋思

李雯

一篙秋水淡芙蓉。晚來風。玳雲重。檢點幽花。斜綴小
窻紅。羅襪生寒香細細。憐素影。近梧桐。棲鴉零落
夕陽中。嘆芳叢。訴鳴蛩。半捲鸞箋。心事上眉峰。玉露
金波無意冷。愁滅燭。聽歸鴻。

閨思

蔣睿

夜來風急度征鴻。露濃濃。月溶溶。何事砧聲。偏傍小
墻東。聽徹麗譙銀箭永。人不見。畫樓中。幾多愁緒

倩誰通。羨相逢。惜相逢。回首長亭。衰草又粘空。記得
當時從此去。凝望處。斷霞紅。

雨中憶梅

顧有年

隴頭音斷暮雲重。憶芳容。亂情悰。啼鳥多情。花外罵
東風。怪你吹殘林下月。又吹到。雨濛濛。畫橋烟雨
玉枝空。泪痕濃。鎖簾櫳。誰解憐花。真個瘦如儂。點點
飛來都似雪。休吹向。笛聲中。

卽事同韓希一

徐倬

落花風雨做清明。草青青。髻星星。試問無端。春恨幾

東白堂詩選
時醒。裴几湘簾。彈玉局。心上事。最難平。雲藍小隊。
昨宵情。舞亭亭。笑盈盈。人去歡場。何處撥銀箏。想見。
攏。紅燭底。眉葉鬪。眼波橫。

感秋

孫琮

長江萬疊捲西風。雁橫空。暮雲封浪。雪噴花偏。是古
今同。回首當年歌舞地。山色在夕陽中。蘆花飛白。
蓼花紅。問英雄。草蒙茸。數樹寒霜。大半泣殘楓。最是
無情。秋水面。偏照我也成翁。

閨情

周雯

落花飛絮正紛紛。歛殘暝。掩重門。不捲珠簾。生怕到
黃昏。幾陣斜風窻又黑。無一語。翠蛾顰。蘭房春冷。
有誰溫。寶釵分。整香雲。剔亮銀燈。重把被兒薰。只恐
伊人難入夢。睡熟了也銷魂。

有感

周邵孫

杏花村市小橋東。霧濛濛。水溶溶。野艇呼人。楊柳綠
陰中。天意願教如我意。來幾陣。石尤風。叮嚀無限。
袖雙籠。住難從。去誰同。人世由來。多半是離踪。回首
夕陽疎樹外。還認取。酒顏紅。

秋感

沈 洪

依微新月上簾櫳。挂梧桐。影朦朧。萬里長天。愁聽叫
征鴻。秋露又濃風又冷。憔悴殺。白芙蓉。關河渺渺
信難通。恨難窮。淚花紅。夢裏尋他。何處是行踪。半掩
畫屏山。幾曲還錯認。舊巫峰。

偶寄

張星耀

楚臺千里隔江雲。盼音塵。幾銷魂。何事而今。咫尺也
難親。不記詩題紈扇上。真一字。一啼痕。十年前事
已難論。倩誰人。道殷勤。人面桃花。猶是舊朱門。惟有

小池孤月影。常伴我立黃昏。

其二

張星耀

人間天上兩茫茫。繫柔腸。損柔腸。你便生疎。儂自不
能忘。花落只隨流水去。偏不管。悞漁郎。匆匆幾度
換韶光。不思量。也思量。老大愁多。相見轉情傷。隔戶
未堪傳一語。空暗地。泪沾裳。

東白堂詞選初集卷之九

三韓佟世南梅岑選

大滌陸進蓋思

定

西陵張星耀砥中

梁溪顧貞觀華峰閱

中調

蓋花結

燈下寄懷

沈豐垣

怪無端黯黯孤燈。蓋花欲結。料沒些憑據。賺人何事。

東白堂詩選
拚教撲滅別離恨。支離句總未曉甚時歇。誰還信
斂雙眉。長是爲伊愁絕。夜深時。只欲把紫簫吹裂。還
睡也。枕兒畔。掛一片明河月。

小桃紅

柳

張星耀

帶露餘霞斂。拂水東風颭。誰比風流。楚宮腰弱。秦娥
眉淡。怪絲絲不解繫行人。惹煙愁霧慘。殘絮飛雕
檻。渭水斜陽暗。望眼迷離。玉驄不到。重門自掩。把閒
情分付與鶯兒。任黃昏悽感。

東風無力

南樓春望

沈謙

翠密紅疎。節候乍過寒食。燕衝簾鶯睨樹。東風無力。
正斜陽樓上。獨憑欄。萬里春愁直。情思恹恹。縱寫
徧新詩。難寄歸鴻。雙翼玉簪恩。金鈿約。竟無消息。但
蒙天捲地。是楊花不辨江南北。

千秋歲

送別

劉基

淡烟平楚。又送王孫去。花有淚。鶯無語。芭蕉心一寸。

東白堂詩選
楊柳絲千縷。今夜雨。定應化作相思樹。憶昔歡遊處。觸目成前古。良會處。知何許。百杯桑落酒。三疊陽關句。情未了。月明潮上逃津渚。

春暮卽事

宋泰淵

落花如夢。猶向東風弄。長日暖。春衫重。香車搖玉佩。芳草驕絲鞵。關情處。短牆曲曲鶯聲啞。鷓鴣瑤釵動。皓腕心微捧。無限意。嬌波送。金環羅袖小。寶髻香雲擁。臨欲去。碧闌半露鞋頭鳳。

旅夜

沈豐垣

客亭遙夜。懶聽秋虫話。眠未得。愁還惹。芭蕉疎雨滴。楊柳輕烟挂。鴻影過。碧天露冷秋如畫。風透紗窓罅。罨搖曳。殘燈地。又戍鼓。敲初罷。夢回青瑣閣。淚在紅羅帕。人欲起。萬山曉。月聞嘶馬。

席上偶拈

佟世南

水亭過雨。夾呀涼生樹。疎箔捲。微風度。圓荷翻翠蓋。暗柳搖烟縷。東嶺外。微雲破處銀蟾吐。河朔堪忘暑。高會開樽俎。同嘯咏。誰賓主。酒和清露瀉。劒拂寒星舞。歸騎促。餘溪城上黃昏鼓。

蝶戀小桃紅

秋思

沈謙

多情卻被秋倂慙。冷落西風。正在重陽後。別泪淋漓。淹錦袖。漫將人憔悴。比黃花。比黃花。還瘦。三年不鼓。求凰奏。愁壓眉山。鏡裏時時鬪。剔盡殘燈。捱玉漏。要紗厨。重照影兒雙。問今生。能彀。

間阻

張星耀

馬上韶光愁裏度。久別情懷。轉覺相逢苦。事過從前。都是悞。笑年年。塵土換朱顏。問文君。認否。已分此。

生難再遇。一種情癡。慣作銷魂句。咫尺重簾猶間阻。借瑤琴。細訴舊相思。倩晚風吹去。

謝燕關

無題

柴紹炳

野客謝燕關。歸來八月。去是九秋天。向京華回首。誰共畱連。有撲面黃沙。連天白草。徧地蒼烟。听柳拂行船。布帆風裏。計日到家園。喜故人携手。一笑相看。賸樹繞峰頭。溪流檻外。月照樽前。

隔浦蓮近

無題

劉基

珠簾不捲晝雨弱柳愁千縷事與孤鴻去空相憶同
誰語雲水逃翠羽人何許玉佩沉湘浦悄凝竚春
風到處白蘋香滿洲渚淚篁自老目盡野田平楚未
用天涯悵間阻回顧斜陽猶在高樹

閨情

吳儀一

東風到晚尖側雲壓江城黑細雨逃歸燕柳陰下飛
一隻無奈傷倦客平蕪碧烟水春無極轉凝憶翠
樓深掩也應念我悽惻香寒衾潤獨自如何眠得寂

師師令

庭際酴醿卮子盛開悽然賦此

沈謙

胭脂日曬剪輕羅刀快天然真色謝鉛華更脉脉檀
心無奈一樣背時春不待問要誰憐愛看花心悶
因花害鎮啼痕沾帶落霞斜照玉屏紅正雨過遠山
如黛只道鳳幃人尚在恁晚妝時戴

人前

董以寧

斜簪玉導倚玉臺重照人來故故不寒溫。率地對鏡
中微笑。正卸譚鞵紅欲耀。把杏衫輕罩。等閒說遍
情難告。見星眸微掉。漫將銀筋撥。紅灰畫箇字與伊
知道。還向屏山斜處靠。把鸚哥閒教。

傳言玉女

求夢

毛先舒

一點燈紅忽地悠然燼矣。枕頭欹着。怪衾窩如水。街
鼓幾打遙趁晴風入耳。隔窓斜見碧天空洗。求夢
難眠。正朦朧圓又毀。畫樓深處轉思量。苦你應知泪
收。睡也和妝強倚。此時我莫在伊夢裏。

私約

俞士彪

時近黃昏恰好幾分春醉。玉階苔滑。喜鸚哥正睡。花
樹罨映行到。但聞香氣。紅燈隱隱門兒虛閉。翠袖
低牽乍迴身。卻又避。繡幃春暖尚細熏。鴛被冠兒卸
完。又早月兒上矣。怪他只管慢騰騰地。

春怨

陸進

不放春歸。又是綠陰庭院。鶯兒燕子尚紛紛。撩亂悶
倚孤枕。靜看楊花暗轉。松濤沸鼎。墨花畱硯。沉水

微焦見餘烟起又散。添衣熏被。記那人。颯颯。陡然上
心。不禁一聲長嘆。青梅閒嚼。借他消遣。

百媚娘

逢艷

王暉

自是蕊宮仙子。不合見生塵世。南陌東城連北里。若
個似伊堪喜。莫把花枝閒比擬。花也應羞死。浪說
目成秋水。鎮日畫簾垂地。說是無情。還有意。爲甚顛
驚不已。裊。裊。楚雲無處。倚吹入人懷裏。

金錢子

五月五日作

劉基

雲淡風微。江雨欲來還去。倚闌干。鬢霜千縷。白水青
蕪。是征鴻歸處。望盡天涯。夕陽猶在深深樹。艾葉
梨花。又上阿誰門戶。悄空梁燕。雛自語。王謝亭臺。杳
不知何許。獨立蒼茫亂鴉啼。滿城鐘鼓。

河滿子

離情

曹爾堪

郎是金臺舊客。悞人錦瑟華年。臂上香痕。頻怨別。泪
珠滴透紅綿。愁把青銅頻照。從今又舞孤鸞。墻外

三聲啼鳥。窓前一架花殘。垂柳絲絲空自裊。何曾繫得郎船。綠綺朱絃。淒楚不堪重聽哀彈。

懷金陵諸同人

佟世南

記得臨岐話別。江亭執手徘徊。折柳折花頻記取。莫教春獨歸來。誰料而今淹滯。紅榴照眼爭開。料得文壇知己也。應費盡幽懷。江上黃鸝堪載酒。雙柑誰共追陪。聽着五更風雨。夢魂飛繞花臺。

風入松

秋晚

王廷相

秋風瑟瑟送年華。搖落總堪嗟。登高不盡茱萸盞。分明孤負黃花。休恨山長水闊。不妨夢裏還家。江湖日日老蒹葭。歸雁滿平沙。浮雲遮斷來時路。路迷難問僊槎。空採蘅香滿袖。憑誰寄向天涯。

春日直省次虞道園韻

吳子孳

漏聲驚夢不成酣。和月整朝簪。萬年枝上流鶯囀。青霄近。笙度鸞驂。僊掌香承曉露。宮花紅映春衫。龍池柳色碧鈴藍。金屋燕呢喃。綺窓無事東風靜。芭蕉綠有恨。誰緘翻憶少年今日。銀鞍芳草城南。

訴衷情近

秋懷

沈豐垣

危闌獨倚對景翻教怨極亂山疊翠東來斜日淡紅
西匿撼撼庭柯葉墜風滯哀蟬欲噪渾無力空沾
臆恨不身生兩翼南魚北雁何處尋消息怎忘得花
因小立常遮月到幽期先黑替整冠兒側

春暮

陳慈永

一年花事是我為春作主醉殘明月瓊筵聽遍嬾鶯
芳樹更有紫駟時驟彩鷁頻移十里香塵路愁無

數不但殘紅落絮幾多年少近是誰辜負空延佇只
愁欲賞芳菲春色便尋歸去那得人如故

剔銀燈

春夜

汪懋麟

獨坐知儂何意憔悴盡臉紅眉翠小鴨香殘孤鸞鏡
掩怕見蘭膏光膩此時情致况遇着惱人天氣
簌
簌落花偏媚欲待畱春無計妾命桃花歡情楊柳何
處青樓携妓溫柔香醉總不管夜寒人睡

夏日過朱景亭約齋訪吳舒鳧

牛 負

簾外火雲生膩。聽高柳蟬聲如沸。畫展瀟湘琴調水。雪忽起滿堂寒思。閒憑石几。漸拂袂綠陰風細。為訪子雲來此。問閣裏草玄成未。載酒諸生。栽花賢主。總是東南佳士。晚天如水。更邀取月華同醉。

風入松

陳 霆

寶釵半脫髮雲鬆。瘦影怯西風。屏山似近陽臺路。片時裏幽夢相通。眉黛顰殘宮綠。淚痕搵透香紅。小

秋怨

窻錦字背人封。密意寄重重。歸期未準驚秋老。黃花淡離恨。偏濃日暮。斷雲鴻雁。夜寒疎雨。梧桐。

夏夜露坐

文徵明

空庭人散語音稀。獨坐漏遲遲。風撩團扇無聊賴。桐陰亂露下沾衣。斗轉銀河東瀉。月斜烏鵲南飛。無端心事集雙眉。睡思轉迷離。墻西突兀高樓靜。流螢度疑是星移。何處一聲長笛。等閒喚起相思。

建寧遇宋荔裳觀察

丁 澎

新亭啼鴉不堪聞。明月亦愁君。烏巷衣冠江令宅。多

換取嶺樹江雲疎拙寧如僕輩眼看裘馬何人河
橋殘角擁行塵極目楚天分悲哉秋氣青楓下招山
鬼石竹羅裙東郭肯容安枕北山何用移文

春閨

曹爾坊

細腰難禁曉風尖催放水晶簾蝦鬚一幅畱春住幽
蘭畔玉笋纖纖臉暈半侵紅藥手香初剝黃柑淡
羅衫子索頻添小幔捲銀蟾鴛鴦鍼線無情緒私心
問柳下花占小盞紅箋未穩偷將恨字輕拈

別情

陸澹

春江處處水接藍春月已過三匆匆分袂斜陽裏河
橋望柳色穆穆花雨雜將珠泪因風吹上征衫柔
情欲吐語仍含還與握雙纖緣知後會應難卜得相
偎半刻休嫌低囑玉驄且住夢中歸路須諳

帳中

佟世南

蘭缸斜照碧紗厨香篆裊流蘇鴛衾不整春宵爎輕
籠着一半羅襦帶了烟鬟軟語倩伊香臂橫舒臉
花泥枕褪紅酥鬢棗墜龍鬚朦朧星眼渾如醉低聲
道睡了何如試看西窓花影看看搖落蟾蜍

御街行

秋夕

劉基

梧桐滴露鳴金井。夜耿耿。如年永。月明棲鳥數移柯。有似佳期不定。華年迅速。碧宵迢遞。別恨空心領。青鸞怕見單棲影。任掩盤龍鏡。盈盈一水隔雙星。腸斷羽迷鱗暝。消愁憑酒。惟應無奈。酒與愁同醒。

中秋對雨感懷

潘雲赤

朝來已覺傳秋信。桂蕊添紅暈。千門歌吹悄無聲。怪煞雨聲淒緊。燈兒不亮。雲兒常暗。天也如人悶。當

年月夕常相近。此際情難問。若教地下一輪明。也得照他青鬢。愁開塵匣。慵鈎小帳。寂寂和衣盹。

憶親

佟世南

西陵滯迹今三月。嘆久與庭闈別。遙遙無計問晨昏。夢逐白雲飛越。長歌吧咭。頻懷甘旨。不住腸如結。椿柯浥露添新葉。看瑤砌紅萱發。不應日暮倚閭時。添卻鬢邊霜雪。擬將春酒歸來堂上。醉把斑衣曳。

勝常

再過薛姬

沈謙

東白堂詩選
黃柳堆烟別纔半月。如今漸可藏烏。卻喜幽期不爽。
隔花鸚鵡驚呼。繫馬閒庭。見水簾風過。鉤控珊瑚。
西窓臥病。含羞強出。臉暈紅酥。道罷勝常側坐。知他
有意。生疎。記得書來。道魂迷別館。目斷征途。

撲蝴蝶

無題

熊文舉

想見章門嫩柳。明江畔。尋芳何處。畫槳歸來晚。樓頭
金蠟微燒。戶外銀蟾正滿。甚處悠悠。歌管春宵短。
玉人獨自惆悵。憑闌傷春嬾。流雲香霧。匆匆風吹斷。

詩題蜀錦難封。泪滴湘波共遠。誰與商量冷暖。

祝英臺近

旅懷

商輅

掛輕帆。飛急槳。還過釣臺路。酒病無聊。歌枕聽鳴櫓。
斷腸簇簇雲山。重重烟樹。回首望孤城。何處。閒離
阻。誰念縈損襄王。何曾夢雲雨。舊恨前歡。心事兩無
據。要知欲見無由。癡心猶自。倩人道一聲傳語。

聞暫寓清江浦寄憶用辛稼軒春晚韻

龔鼎孳

東白堂詩選
綠烟橫。蘭漿渡。金犢偃淮浦。細草春寒過。盡斷腸雨。
望中雀扇雲衣。温存無據。枕邊夢關山畱住。莫輕
覷。柳外無盡長亭。朝朝背人數。河上雙魚。聽否咒花
語。更愁香夢來尋。重添離緒。卻也遣病魂隨去。

春別

徐士俊

杜鵑啼。蝴蝶夢。斜月墜南浦。半枕幽輝。照見泪如雨。
起來望斷東牆。杏花狼藉。怕明夜西樓空住。更愁
覷。一霎花下郎歸。芳踪漸難數。私買紅箋。記寫別時
語。忍教獨上雕輪。長亭回首。滿路裏。碾將春去。

旅懷

鄒祇謨

樹森森。波淼淼。回首帝京路。無限離情。黯黯聽鳴櫓。
遙看一片黃雲。兩行綠樹。遮斷卻故鄉來處。甚情
緒。誰念寥落天涯。杯酒和風雨。夢去愁來。消息總無
據。便教兩字平安。三千里外。怎博得夜深私語。

湘中別思

王士禛

玉繩低。銅漏咽。人向湘樓別。似水柔情。此際那堪說。
劇憐碧玉瓜時。丹珠牀上。都惆悵濃華銷歇。鎮凄
絕。持贈九曲連環。臨歧莫遺玦。一望湘波。湘山更重

疊從教身化湘烟。淚霑湘竹。夢亦逐瀟湘明月。

閨晚

毛 姓

畫闌低。斜日暮。睡起甚無緒。蛺蝶游絲。陣陣惹飛絮。
是他梅子生心。櫻桃辭蒂。著甚個五風三雨。隔墻
樹。試聽葉底鶯兒。不住叫誰去。看又黃昏。寂寂閉朱
戶。夜來明月。何如幾時。回顧記不出。初三十五。

閨情

張星耀

綠楊風。紅杏雨。轉眼又春暮。深院無人。簾幙捲飛絮。
堪憐小小秋娘。頻年離苦。也不管流光暗度。黯凝

竚。試看芳草斜陽。都在斷腸處。淚漬羅巾。難覓舊題
句。花前輕拽紅衫。低聲相問。但背立不回人語。

側犯

無題

吳儀一

紅銷翠鎖。鏡中添得殘春意。風起看柳拂微波。綠紋
細。芭蕉疊做紙。題徧迴文字。難寄。但雨洗桐花。軟簾
閉。烟鬟雙顰。繡榻欹斜倚。春去矣。甚鶯兒猶自惹
殘睡。往日蘭心。惺忪無比。個裏着甚癡迷。到底。

一叢花

閨情

董以寧

銀華九寸水溶溶。長自映芙蓉。春風一夜吹愁去。相看處翠減眉峰。浮渲纔梳。方空新換。不似舊時慵。筆牀簫局幾塵封。閒情拂拭中。捲簾欲放游絲入。相看處重憶春風。草綠無痕。花紅未落。不見紫騮蹤。

艤舟

賀裳

艤舟微步石橋西。曲巷隔疎籬。半晌聞呼纔始出。出來尚未掃蛾眉。幾載聞名。今宵剛遇。恰又捧心時。朝來青鳥訂幽期。月下叩雙扉。綠窓深處焚香等。紅

爐擁頻泛金卮。燈下重看。枕邊睇視。惟恨見伊遲。

咏白石榴花

王暉

朱顏生怕妬紅裙。妝換縞衣新。遙看夜月搖花影。卻難辨誰假誰真。銀闕素娥。瑤池玉女。依樣逞丰神。羞隨繁艷逐香塵。幽雅自宜人。冰心不任狂蜂蝶。莫輕向葉底紛紜。堪笑一雙飛來自燕。還認是梨雲。

陽關引

閨情

吳儀一

水激西風作雁。逐斜陽。落寒侵客思增。風景天涯各。

萬千難開解。疑怪江山惡。看孤雲冉冉。似欲向誰托。
那更酒醒後。常記着幽坊小檻。千株柳遮金幕。想
繁霜凋盡。露出紅樓角。負多情爲我。日夜盼梅萼。

楚宮腰

咏美人腰

錢來修

行宛轉。舞迴旋。看來柔似綿。不知多瘦。翻嫌裙帶寬。
試問風前垂柳。還要誰憐。也學人三起三眠。衫子
單。輕束紅綃一縷。同心雙結。懸困餘無力。不堪凭畫
欄。撲蝶閒過芳徑。似一段春烟。卻吹來。裊向花間。

送入我門來

閨怨

吳興芳

翠館歌檀。紅樓舞袖。金鞭畱醉誰家。數尺游絲。惹恨
到天涯。君同秋去。春來燕。奈妾似朝開暮落花。說
與傍人不解。種種淒淒切切。調入琵琶。帶孔頻移。瘦
得這些些。無端今日千行淚。總有分當時一念差。

牡丹枝上祝英臺

武原舟中值雪

沈謙

漠漠湖雲白。捲起浪花千尺。獨倚孤舟。滿袖淚珠偷

東白堂詩選
滴。可。堪。凍。雪。凝。鬚。層。水。墮。指。甚。時。候。要。人。行。役。有
何。益。漫。把。芳。年。擲。淹。留。水。村。山。驛。還。記。佳。人。擁。衾。此
際。憐。惜。料。應。爲。我。情。癡。柔。腸。縈。損。慊。慊。地。嬾。將。笙。炙。
蘆。花。雪。

旅感

丁 澎

君。不。見。橋。上。車。江。頭。楫。恁。消。磨。古。今。豪。傑。斷。岸。橫。流。
銅。駝。不。鎖。瑤。臺。月。秋。風。夜。吼。更。吹。來。楚。宮。秦。闕。嘆。
人。生。能。幾。何。多。半。是。傷。離。別。灞。橋。柳。年。年。空。折。露。白。
園。荒。武。陵。人。去。誰。家。笛。江。天。又。早。塞。鴻。飛。蘆。花。如。雪。

山亭柳

咏隋堤新柳

鄒 祇 謨

紋。澌。微。流。正。萬。縷。初。柔。垂。綺。苑。映。粧。樓。此。日。藏。烏。多
少。他。時。繫。馬。遲。留。漸。漸。綠。深。黃。淺。一。帶。烟。浮。絲。絲
絮。絮。雷。塘。路。風。風。雨。雨。到。邗。溝。初。學。舞。慣。含。愁。遠。恨
能。傳。玉。笛。輕。寒。乍。到。紅。篝。最。是。長。條。牽。惹。人。在。蘭。舟。
金。人。捧。露。盤。

寫情

劉 基

水。如。藍。山。如。黛。草。如。絲。正。去。年。雙。燕。來。時。衙。門。晝。掩。

日長惟有睡相宜。午風吹破北窗夢。簷影參差。李
花開。梅花謝。榴花放。杏花稀。枉教人兩鬢霜垂。憑闌
竚立。空將愁眼盼斜暉。斷雲迢遞。趁征鴈。直到天涯。

盧龍懷古

尤侗

出長安。臨絕塞。是盧龍。想榆關血戰英雄。南山射虎。
將軍霹靂吼雕弓。大旗落日鳴笳起。萬里秋風。問
當年人安在。流水咽。古城空。看雨拋金鎖。苔紅。健兒
白髮。閒驅黃雀野田中。參軍呀憤戍樓上。獨數飛鴻。

建業

陳謀道

記金陵繁華地。艷陽天。正春堤芳草芊芊。青樓十二。
玉簫金管。醉嬋娟。王孫躍馬揮鞭處。綠暗紅嫣。到
而今。音信杳。思往事。憶當年。恨春來依舊河山。歌臺
舞榭。六朝宮闕。半蒼烟。寒江深樹。月明裏。只有啼鶯。

咸陽懷古

褚偉

據秦州。包隴塞。扼函關。幾英豪雄視人寰。阿房一炬。
紫烟經月。燼驪山。漢家事業。歲蕤着史。馬書班。玉
杯覆。云亭杳。金屋冷。曉鐘殘。仙莖露空滿。銅盤五陵。
無樹。寶簾飛燕出。人間秋風裏。浩歌驢背。回首長安。

閨情

董以寧

杏花烟。桃花雨。柳花風。愁中過。偏覺匆匆。姊歸何意。
不教春色駐。簾櫳粧成無事。朱闌外。數盡飛紅。笛
牀閒。琴牀冷。繡牀委。筆牀封。卻都為玳瑁牀空。銀牀
新汲。轆轤更覺似心中。春歸何處。偏難道郎處。方濃
最高樓

無題

劉基

今宵月。還照別離愁。愁上最高樓。九霄無路青冥闊。
玉京風露冷。於秋寶刀裁不斷。水東流。誰知道黃

梁。炊未熟。早過了洞天三十六。塵土事幾時休。廣寒
桂樹清香好。圓光卻滿又成鈎。笑堦前。萱草浪語忘
憂。

撥棹過澗

冬夜

俞士彪

霜風促。燈影綠。強結雙花人自宿。風過處。亂敲簷竹。
爐火頻添。頻滅。被冷眠難熟。更漏緩。今夜柔腸斷。還
續。三年舊事暗相觸。夢去夢來空反覆。離別後。歲
華偏速。此際傷情。旅鴈啼寒山猿嘯。月博得繡枕流

紅玉

柳初新

本意

丁澎

雪殘小苑東風任。已見嫩黃初吐。蝶香未染。鶯梭猶
 澁。夢穩池塘輕霧。最惜纖腰如楚。恐難禁。灞橋人去。
 翠閣凝眸低語。看春衫半分金縷。因風嬌裊柔條。
 無力挽不盡隴烟湘雨。及早和他同倚。怕消魂夕陽
 飛絮。

瓜茉莉

閨怨和屯田韻

丁澎

密緘輕裁。恁星星一味。驀忽是暗拋人地。烏絲欲剪。
 和鳳紙多將揉碎。含糊過翻恨成悲。細看去多是淚。
 空堦如洗。梧桐下愁難寐。私語處霧濃香細。倩將
 明月好夢兒。憑伊遞。被風吹直向海天雲底也。知到
 他那裏。

春曉

沈謙

徹夜躊躇五更反睡了。疎簷外亂花啼鳥。千迴百轉。
 煩絮得夢顛魂倒。醒來見紅日當樓。卻與絳臺爭照。

驚啼誰喚。枕頭邊。幾曾燥。還強起。玉屏斜靠。雙鬟不解。說買花最宜早。豈知我一向。黛痕慵掃。勸梳洗。添煩惱。

千秋歲引

除夕

梁清標

客舍東風。高城夜角。燈火千家閉樓閣。誰將物華粧點就。偏遺旅况。寒如昨。頌椒篇。屠蘇酒。成差錯。聞說笙歌歸院落。聞說畫堂垂簾幕。爆竹聲聲總蕭索。浮踪滯畱。殘臘後。音書悔訂春前約。夢兒中。枕兒上。

休忘卻。

感舊

朱爾邁

不斷啼鶯。無邊綠柳。有限風光總迤逗。吳宮綺羅風雨散。西施妙舞。空垂手。虎丘花。胥臺草。幾回首。看殺芳堤車馬驟。聽殺玉樓笙歌奏。可惜閒房獨相守。歸期怎憑青鳥信。淚痕空濕紅衫袖。夢回時。鴈歸後。思量否。

玉樓人醉杏花天

江上別妓

沈謙

東白堂詩選
停杯掩袖都無語。容易逢君儂便去。孤鴈叫秋風亂不成行。似解分離苦。寒山一抹低平楚。淚滿錢塘古渡。眉峰未蹙情先露。絃上傳情渾似訴。一字一俄延錯亂。宮商誤。則隨他。誤絲絲烟柳愁千縷。柳上斜暉未暮。

早梅芳

夜怨

沈豐垣

窻半開。簾低捲。竹影風搖亂。銀蟾微照。不點紅燈掩。深院依稀前度約。遊賞新來倦。聽銅壺漏水偏向恨。

時轉。睡成癡。醒又懶。被冷誰歡戀。枕兒欹着。百轉千迴怎消遣。絲絲愁絡緯。字字驚哀鴈。乍離魂被他花霧縉。

驀山溪

晚春

劉基

清明過了。簾幕餘寒淺。芳樹不勝風。恁流水飄紅去。遠烟昏。雨暝天。襯海雲低。鶯意懶。蝶魂銷。花盡成秋苑。游絲落絮。特地相縈絆。無計網春暉。漫贏得遮人望眼。登高凝睇。欲寄一緘書。鴻路阻。豹關深。日暮

空腸斷。

秋閨

劉基

三更鳴雨濕透桃花臉。珠箔未登鈎。早飄落猩紅數點。碧雲如夢人去已無蹤。金泥鳳。玉蟠龍。寂寞蛛絲檢。元華柔軟總被秋霜染。長夜擁寒衾。耿青燈膏凝。暈閃銅壺漏水。應是接天河。一聲去。一聲來。空把重門掩。

送別

楊慎

送君南浦。繫馬垂楊樹。攀折送行人。忍聽道一聲別

去。愁眉淚眼。一步一回頭。團山路。高橋渡。總是銷魂處。清風明月。好景成虛度。重會在何時。筭只有夢中相遇。衾寒枕冷。好夢也難成。思千縷。愁無數。亂似風中絮。

寒食

陳子龍

碧雲芳草極目平川繡。翡翠點寒塘。雨霏微。淡黃楊柳。玉輪聲斷。羅襪印花陰。桃花透。梨花瘦。偏試纖纖手。去年此日。小院重回首。暈薄酒闌時。擲春心。暗垂紅袖。韶光一樣好。夢已天涯。斜陽候。黃昏又人落。

東風後。

感興

程 爵

高齋獨坐掩卷思無着。翠黛遠山橫。蔚藍天雲開一角。花明樹暗掩映古巖前。午鐘作。泉聲落。鶴影空潭泊。朱欄幾曲。點綴危樓閣。亂石礙浮槎。蕩中流。烟光淡漠。鷗眠鷺立。動靜自幽閒。世風薄。人情惡。守我天然樂。

戊申孟夏同年錢爾斐招同曹秋岳金夢蜚

張士至湖中小集

徐之瑞

歲華彈指相見驚如昨。白髮共蕭疎。還相對一丘一壑。風霜邊塞。勞苦一歸來。城郭是故人。稀絕似遼陽鶴。扁舟烟雨。魚亦知吾樂。豪氣故難除。看老子精神矍鑠。今猶勝昔。後豈不如今。容我輩。竹林遊。肯負青山約。

感舊

鄒祗謨

玉鵝橋上遙映香堤柳。寶髻露紅絲。向珠簾一番携手。半鈎羅襪。裊裊步花陰。香脂透。冰肌瘦。暗度銀泥袖。投贈雙鬟。一幅鮫綃縐。樓外月黃昏。試東風情

東白堂詩選
懷如酒。不堪重說。往事費思量。分離後。休回首。燕子
飛清晝。

感舊

陳維崧

碧雲薄暮。畫角誰家奏。深院火熒熒。好風輕翠幃微。
縵。水輪徐上。無語倚屏山。金鈎瘦。鮫綃透。人在銀燈
後。年時小苑。良夜曾攜手。低掃淡黃蛾。謾垂垂。玉
人羅袖。如今人去。門巷也依然。紅橋口。香街右。一帶
青青柳。

悼亡

陸進

玉銷烟斂。人去簾櫳靜。樓上罷吹簫。盼銀漢。秋生金
井。娉婷弱質。原是不勝衣。愁多病。臨粧鏡。只有殘香
賸。逢車魚嶺。憶昔情初定。月下咏新詩。常愛把雲
鬟代整。燕山遠寄。一紙斷腸餘。呼不應。丹青影。淚灑
蘅蕪冷。

春衫淚

為趙姬詠

張星耀

小樓睡初起。任鬢雲撩亂。嬾教梳掠。獨倚危闌。晚風
淒緊。掩紅淚。春衫偏薄。夕陽影裏。見多少。斷魂樓閣。

念行樂。恨顧曲人遙。塵縈絃索。目斷天涯。青山無數。何處認來時。京洛深巷更無人到。滿樹桃花。被子規啼落。

滿路花

客懷

劉基

山烟掠草低。江月披雲濕。闌聲消未了。鐘聲急。寒鴉何事。獨在枝頭立。老來諸病集。客裏光陰。馭如馳馬。難繫。懷新思故。記一長遺。十頽墉圍廢宇。憑誰葺。堦前冷露。似向離人泣。歲暮蛟龍蟄。干將挂壁。任他

苔繡生滋。

春暮

周行之

風前滿地花。雨後連天草。今年三月裏。春歸早。低雲薄霧。猶自憐清曉。金樽須更倒。無奈離愁。爲他轉傷懷抱。繡簾斜捲。晝靜聞啼鳥。韶光剛九十。勾銷了。絲波無賴。點點青荷小。寄語春知道。桃李多情。莫教惜春人老。

洞仙歌

秋怨

陳慈永

東白堂詩選
斜陽隱處。有萬家砧杵。野鶴叫雲天。欲暮。望堤邊。一
帶高柳傷秋。秋尚早。不禁晚烟朝雨。手中團扇冷。
烏鵲填橋。只見年年渡牛女。念故人何處。玉匣哀絃。
不敢把才情私訴。嘆燕子樓頭。又經年。總目斷長安。
誰傳尺素。

雨花風柳

春閨怨

佟國璣

深院坐殘閒晝。看盡雨花風柳。翠羽文禽。紅襟小燕。
兩兩思珍偶。春光幾許。竟等閒孤負。况更有恁多儂。
慙。枉了爲伊消瘦。不肯說聲生受。問山驛猿啼。江
亭月落。可也曾回首。新歡恁好。把舊情遺漏。怎禁我
背人私咒。

蕙蘭芳引

咏杜鵑

沈謙

勒使春歸。忙殺了亂紅愁絲。更有甚傷心。向我似啼
還哭。血痕在口。又何用此間思蜀。到三更。月冷不許
愁人眠熟。便去何如。如何不去。是誰拘束。怎似我
羈。妻守定。暗窓孤燭。玉人何處。佳期未卜。倩伊行到。

東白堂詩選
彼再三催促

春思用清真秋懷韻 王士禛

寒食又過看馬首淡烟飛鶯最望遠愁心江水潑醅
新綠櫻桃夢覺何處問畫樓金屋記箇儂往日翠袖
天寒修竹塞雪如花江花如雪幾更涼燠便千束
魏毫難寫柔腸九曲烟蕪遠近傷春送日春欲歸依
舊錦衾孤宿

洗鉢池中有贈

陳維崧

客裏無聊瞥見處繡簾斜軸恰暮雨瀟瀟低唱傷心

人曲相逢卻扇板橋西數枝春竹正籠中鸚鵡叫醒
一窩紅玉携上吳粧一聲欸乃碧天如沐愛香藕
花輕偏打向船窓簌簌嬌歌妙舞明眸曼睩記昨宵
水色半城都綠

鵲踏花翻

秋闈

張星耀

每到秋來便生愁悶遠山都似眉頭蹙美他燕子無
情秋到先歸從來不受秋拘束長亭誰見有歸人夕
陽淡處寒烟綠暗卜瑤琴絃斷何時續夜深月暗

東白堂詩選
疎窓鴛帳人孤。被冷眠難熟。打樓梧葉響。西風夢回。
寶枕流紅玉。

華胥引

重登北固山閣寄姜真源

張綱孫

大江秋盡。滿目丹楓。重登小閣。兩點金焦。臥藍聳翠。
波底作。更有數個沙鷗。似前番相約。風景常新。不堪
衰鬢如昨。憶昔同登。每飛觴笑談酬酢。孫劉事業。
難平此衷。哀樂可奈。澄潭古澗。水雲寥廓。欲遡前遊。
樹頭紅日將落。

客感

朱萬化

關山迢遞。烟水溟濛。一身似葉。策馬孤征。斜陽衰柳。
蟬聲咽。望裏隱隱高城。有寒笳鳴軋。幾度敲砧。客衣
又早寒怯。過盡征鴻。漸看看暮雲千疊。板橋茅店。
無心去看新月。聽着遠堦絡繹。睡難寧貼。風剪燈花。
空幃疑有人揭。

端午述懷

佟世南

短蒲漾水。新竹梢雲。暖風正好。謾學長生。綵絲臂上。
紅欲耀。競看楚女吳娃。試小紈織綺。畫鷁爭飛。渡頭

東白堂詩選
簫鼓繚繞。千載湘君。到而今。有誰憑弔。朱符艾虎。催老幾多年。少歲。榴紅似火。忍將人照。憔悴情。恁古來誰箇知道。

滿園花

無題

俞士彪

一晌憐嬌小。空為情顛倒。到而今。卻被眾口笑。便受了萬千。不敢人前道。自也難猜料。想近日。命裏定有。字羅纏擾。卻怪他。千般無一好。沒事尋煩惱。真忒也。性兒拘。便望斷。銀河難乞天孫巧。無昏曉。直恁愁。

裏。度日。怎不。人老。

江城梅花引

秋思

曹溶

夕陽山閣。戍樓空。厭西風。已西風。何事風吹。偏向客愁中。沙草斜連銅狄路。酒旗捲。一程程。遶漢宮。漢宮漢宮。掃殘紅。花一叢。柳一叢。憶也憶。也憶不了。又泣孤鴻。可惜鴛鴦湖上冷。歸蓬。謾道夢魂能識路。今夜裏。比春來。夢不同。

聞笛

計能

東白堂詩選
笛聲何處起高樓。是歡遊。是閒愁。繚繞清風。使我欲
悲秋。螢冷不飛孤鴈遠。碧天裏。淡茫茫。江水流。水
流水流。生旅愁。維小舟。舉一甌。聽也聽也。聽不斷。銀
月如鈎。三弄寒空。一片白雲留。都道梅花春落也。今
識得有梅花。落不休。

步月

本意

陳維崧

小市門東。板橋巷北。暗中瞥見芳姿。明眸膩臉。夜靜
颺簾衣。碧柳映幾層衫子。紅蕖露一輛鞋兒。斜靠着

江梅一樹。剛得半開時。銅駝街又敞。奈珠屏似水。
此恨誰知。弄春纖。香橙代解。迴秋水。羅帕親携。歸去
也。一鈎春月。水仙祠。

八六子

望鍾山

林章

翠娉婷。只爲一片牆兒。費了雙睛。正禁苑春風動處。
御溝流水。忙時教人怎生。東君應惜多情。草綠不
當幽巷。鳥啼都隔重城。道是箇三千裏頭人也。夢兒
孤另。情兒清冷。不如燕子年年。漢寢梨花歲歲。唐陵

東白堂詩選
倚空亭斜陽照人欲凝

西施愁春

一盼

丁澎

殘英小苑露春嬌。長袖倚衰桃。三生無分一盼也難銷。湘裙微展處。芳徑滑。顛弓腰。多應有恨雙蛾頻促。卻上蘭橈。不應偶爾傳眉語。爭無奈。上心苗。多情見慣。直恁是難拋。弄珠人遠。瓊樓何處更吹簫。東風立盡。夢隨伊去。好度今宵。

泣西風

寄懷昉思客大梁

洪雲來

忽聽西風送鴈群。望梁園。汴水白霧黃雲。予季窮途休太息。看悠悠。行路才華若個如君。筆落驚風雨。詩成泣鬼神。總拖紫紵金那足論。只流傳。嘯月萬古千春。媿我塵埃空落拓。便硯荒毫腐。疎慵不耐摘文。撫劍長歌罷。秋空月一輪。

玉人歌

聽馮靜容女史度曲

王暉

湘簾翠。是何處鶯聲。花間遊戲。櫻脣一點。宛轉意先

東白堂詩選
會。傍。人。漫。說。銷。魂。死。只。恐。情。難。寄。更。那。堪。妙。舞。霓。裳。
似。風。搖。燕。尾。紅。豆。倩。誰。記。便。除。卻。周。郎。顧。伊。不。止。
天。也。多。情。雲。駐。碧。空。際。愁。香。怨。粉。渾。如。訴。酒。似。多。情。
淚。又。誰。知。簾。外。絳。河。垂。地。

綠水曲

西湖登保叔峰覽眺用屠赤水韻

鄭惟颺

疊岫崇岡龍飛鳳舞。湖頭特聳春雲。六橋桃柳孤山。
梅鶴消息向誰聞。遙覽十萬城烟。參差遊騎共畫船。

簫鼓倩光風吹微氤氳。日皺波紋紛似雪。界江潮。
空闊夕陽分。月夜花時淡粧濃抹。苧蘿擬借湘裙。只。
堤邊紅亭綠樹。千載有蘇君。

東白堂詞選初集卷之十

三韓佟世南梅岑選

大滌陸進蓋思定

西陵張星耀砥中

恒山梁允植冶湄閱

長調

翫秋燈

中元夜觀燈

張星耀

炎日初沉。何事天街。簇擁星毬萬點。畫檻橫空。火射

東白堂詩選
雲頭欲燄。舊情暗觸。問何處梅香酒釀。涼夜碧天如水。月皎銀河淡。簾底佳人語笑。髻上寶釵光閃。淺淡梳粧。還與荷花爭艷。惱人胡覷。又道是燈兒不暗。歸去綺窗未曉。梧葉西風颭。

夏雲峯

廝見

吳儀一

小池塘。綠柳密。天遣隔斷紅牆。隱約流蘓低處。翠幙高張。玉櫳通內。空透過幾縷清香。那日在西軒私語。難道都忘。封書惱亂伊行。無人處。儘教一笑何妨。

幾曲成屏。花竹曾捉迷藏。怪來羞澀。是廝見便閉蘭房。我恨你又愁你恨。我不思量。

意難忘

憶

李式玉

猶記相逢。正溶溶夜月。嫋嫋春風。名花栽豆蔻。繡帶結芙蓉。詩自寫。手親封。許私下巫峯。喜畫簷綠。衣睡穩。寂寞房櫳。誰知瞬息西東。恨吹簫人杳。跨鳳樓空。陽臺徒有約。雲海渺難通。尋去燕覓歸鴻。總難問音容。望小樓淡雲衰草。細雨疎桐。

柳

沈豐垣

嫩葉添青。怕烟欺雨妬。弱力難勝。風吹絲蕩漾。露浥翠輕盈。愁幾許。未分明。看直恁娉婷。月影過。嬌枝嬾娜。睡醒雙鶯。灞亭欲折。何曾愛。睂睂眼眼。豈讓傾城樓頭。偏惹恨。陌上更牽情。春寂寞。絮飄零。莫又化浮萍。只恐伊隨波流去。踪跡無憑。

有贈

洪昇

月黑燈紅。怪春雲一片。閃出花叢。衣香吹不散。步屣響無踪。舒玉手。捧金鍾。有多少。從容。最怕他。拋人眼。

色笑裏歌中。珠簾花霧濛濛。惹貪歡。鸚鵡醉殺雕籠。藏鈎中。宛曲避酒慣。玲瓏珠露冷。滴新桐。愁夜寂。筵空。願化成。留仙裙帶。早趁東風。

送別

張星耀

去意徊徨。恨丁寧未了。又到橫塘。江天沉暮靄。村店冷斜陽。留不住。是征航。便去也。何妨。最不堪。歸來獨自。多少思量。還愁兒女柔腸。怕易成拋棄。易惹悲傷。月殘常自缺。鴈斷不成行。人咫尺也。參商况水遠。山長更想伊。盟言歷歷未便相忘。

滿江紅

懷舊

劉基

風淡雲輕。又還是、清明時節。看處處、莓苔鋪繡，碎紅堆纈。滿院綠陰桐葉長，漫山黃霧松花發。背畫闌、獨立檢韶華。聞啼鴉。懷往事、空凄切。思不斷、腸千結。想繁華一瞬，夕陽明滅。玄武湖邊楊柳月，鷄鳴埭上棠梨雪。到如今、何處覓遺踪。泉聲咽。

春暮

文徵明

漠漠輕寒正。梅子弄黃時節。最惱是、欲晴還雨。乍寒

又熟。燕子梨花都過也。小樓無那傷春別。傍闌干、欲語更沉吟。終難說。一點點、楊花雪。一片片、榆錢莢。漸西垣日隱。晚涼清絕。池面盈盈清淺水。柳梢淡淡黃昏月。是何人、吹徹玉參差。情凄切。

梨花

楊慎

露重風香。韶華淺、玉林無葉。誰剪碎、瓊瑤點點。翩翻蝴蝶。嬌泪一枝春帶雨。粉英千片光凝雪。伴秋千、影裏月明中。傷離別。花在手、腸如結。人對酒、情難說。憶故園遊賞。清明時節。今日相逢滇海上。驚看爛熳

東白堂詩選
開正月更收燈。庭院峭寒天。啼鵲鵲。

古狂招集舟中

曹溶

雨後潮平。依稀近龍舟。令節高會處。風塵逆旅。幾回
愁絕。謝客詞多。蘭蕙瘦。石家春去。珊瑚折。送閒情千
種。到杯中。真蕭屑。鐵漢老。心如鐵。雪兒媚。歌成雪。
恣良霄遊覽。月圓無缺。湘水寄書雙鯉。遠秦樓吹笛。
孤鸞咽。買沙棠艇子。繫湖干人離別。

過黃梁夢

梁清標

官柳參差。消磨盡英雄多少。問華胥遠近。黃梁遲早。

僊侶已隨雲影去。行人又上邯鄲道。怪枕中日月一
何長。河山小。村市畔。墟烟裊。亭榭外。殘荷老。任開
山汗馬。閒花野草。壁上痴人曾說夢。那知醒裏多顛
倒。倩西風一夜捲黃花都。堪掃。

定山沈四重還湖上賦寄

胡介

走馬歸來。西陵下斜陽滿樹。回首處。酒壚猶在。河山
非故。久客不知家。遠近重來。却怪人驚。顧聽啼鵲也。
道不如歸。歸何處。草元閣。蘭臺署。揚州夢。秦淮渡。
走人間未遍。蒼涼日暮。惆悵遼東丁令鶴。當年華表

誰爲主。但相逢。莫負故人心。三生路。

已丑感述

鄒祗謨

滾滾紅塵。哭秋風。斜陽宮刹。方悟得。深池夜半。人盲馬瞎。山鬼狐威。帝以虎。小人猿化。妻于獺。待陳情。細訴與天公。妻涼煞。三里霧。何時刮。三月雨。何時撒。用不着。慈悲。告伊菩薩。老猾錢刀。方作橫。少年薑桂。何能辣。醉狂時。擊柱亦徒然。衝冠髮。

壽余淡心五十

尤侗

對酒當歌。君休說。麒麟圖書。行樂耳。柳枝竹葉。風亭

月榭。滿目山川。汾水鴈半頭。霜雪燕臺馬。問何如。變姓隱吳門。吹簫者。蘭亭襖。香山社。桐江釣。華林射。更平章。花案評量詩價。作史謾喚牛馬走。詠懷却喜漁樵話。看孟光把盞與睂齊。皋橋下。

與祖定弟坐從野堂看秦亭山隨登絕頂

張綱孫

坐語秦亭。最憐汝。峯然獨立。日向我。草堂相伴。弟兄岑寂。只說月明。堪作佩。那知雲近。常爲幘。又青松老去。幾何年。莓苔黑。登臨處。千尋石。遊覽處。千山色。

東白堂詩選
怪峯頭古殿。琉璃瓦。圻草裏長蛇。白帝子梁間小燕。
烏衣國。便掀髯。一嘯海濤生。天風急。

大觀樓眺望

汪懋麟

飄緲飛樓。憑闌望。風生城闕。流不盡。長江滾滾。噴銀
鋪雪。日落金山黃霧塞。兵屯鐵甕。紅旗掣。想當年白
骨照青燐。空淒切。烽燧暗。何曾歇。檣櫓密。空排列。
嘆從來征戰。幾多豪傑。劉季雄風。今寂寞。孫郎霸業
終消滅。問興亡。北固與南徐。潮聲咽。

暮春柳

毛先舒

一片殘陽映幾處。河橋晴色。問當日征衫。別泪爲誰
沾濕。暮雨瀟瀟。魂已斷。白雲冉冉。愁無極。減風流不
似鬪腰肢。初相識。章臺路。春狼藉。灞水岸。烟斜織。
驀紅塵無數。馬蹄輪迹。飛絮影隨風上下。離人夢斷
江南北。怕重來。剩有亂蟬嘶。千條碧。

舟泊婁門希一飛棹而至爲之狂喜再和原

韵

徐暉

按拍旗亭。曾經唱陽關短節。又眼見驚濤捲屋。輕舟
飛蜨。帆影收時。逢舊雨。燭花好處。疑明月。喜銀塘今

東白堂詩選
夜夜珠來。星光滴。相携手。看花陌。相期望。渡江楫。
問阿誰堪語。寒山孤碣。綠柳陰中船小住。黃鶯聲裏。
人重別。怪東風着意惱行人。吹蘭葉。

咏柳

沈謙

幾箇鶯梭。早織就千絲萬縷。最苦是蘇堤欲曉。灞橋
將暮。媚眼未醒開又合。纖腰半倒扶難住。重沉沉搭
在玉闌干。和烟雨。還記得長亭路。曾折送行人去。
恁牽纏似我。別時情緒。簾暗夢回應有泪。樓高日斷
渾無語。隔青山不見紫驕歸。濛天絮。

夏夕

沈謙

翠幙香寒。推枕起。畫欄重凭。鎮一片花昏柳暗。夜深
人靜。幾陣涼風吹過雨。黑雲捧出黃金餅。笑從前長
道此身孤。俄添影。何處笛聲悲橫。烏鵲噪。明河淨。
見雙鬟低說。今宵差冷。玉貌雲衣都化土。非心所愛。
無心應便。杯兒斟滿。不沾唇。常推病。

題三子西湖竹枝詞

沈謙

生長錢塘。忍負却鶯年燕歲。看幾度湖流微漲。山雲
低墜。簾卷更添眉上恨。酒闌都化心頭泪。喚桃根閒

按竹枝歌聲聲脆。怪萬疊玻璃翠。淘不盡愁腸胃。
任生綃共剪真珠同綴。古跡漫誇南宋樂。殘妝猶愛。
西施媚似寒鳥相對語。斜陽無人會。

咏燈

沈謙

獨對銀缸聽街鼓。不堪愁絕。却又是春陰陡暗。晚風
偏劣。耿耿未成虛枕。夢搖搖轉覺空房怯。鎮淒涼流
淚濕黃昏。花重疊。雲髻擁香肌。瞥徒想像。增嗚咽。
怎照人歡會。照人離別。欲簡私書還剔起。怕看孤影
將吹滅。却纔餘一燄。解羅衣。翻成結。

黃河曉發

徐灝

萬里河源聲浩蕩。奔流倒瀉。衝曉色星疎月淡。蒼茫
曠野。白練飛來疑是霰。寒光到處曾無夏。望長安。過
了幾重山。歸來也。寫不盡真幽雅。咏不盡真瀟灑。
看風帆一片去如天馬。千古興亡皆夢幻。百年身世
都虛假。嘆舟車南北逐飄蓬。何為者。

春日同徐方虎前輩城南小飲

韓純玉

春到城南好行散。杖携九節。憑覓路花間隨鳥香中。

東白堂詩選
趨蝶。千古湖山供我輩。四時好景惟三月。恰柳條金
嫩。蘸波光。和烟滴。夢不到。長安陌。時已過。中流楫。
只峴山亭子。長留荒碣。明日落花寒食近。且須小住
休輕別。看主賓同入醉鄉來。三蕉葉。

過張祖望從野堂

王嗣槐

寂歷山庄。柴門內數竿修竹。最喜是晴峯飛翠。野園
含綠。橋外孤村新火細。樹邊一徑殘花馥。愛芳池水
滿。種紅菱。鳧鷖浴。看弟妹。荷衣束。笑兒女。蜻蜓捉。
有鷓鴣小鳥。伴人棲宿。荒蘚不嫌朝雨濕。孤松自合
春雲沐。夜何其。月影碎紛紛。藤蘿屋。

吳越故宮

吳任臣

鳳舞龍飛。興王地。澄江似練。憶當日。瑯戈金馬。幾番
血戰。東府功勞成已往。江南保障猶堪羨。嘆百年轉
盼。幾多時。如流電。遺闕杳。餘荒甸。殘碣仆。多蒼蘚。
問而今何處。丹書鐵券。井上風梧。饑鳥墜。殿前烟草
青燐顫。但寒潮。嗚咽泣英雄。無昏旦。

重到西湖憶舊

董俞

繡甸春濃。酒帘外青山無數。還記得桃花滿院。劉郎

前度紅燭畫橈臨別酒。碧簫殘雨相思路。看韶光零
落斷橋邊。斜陽暮。無限景。烟中樹。無限意。風前絮。
對澄湖如鏡。玉人何處。艷影尙疑花欲笑。麗情只有
鶯能訴。嘆西泠松栢自年年。風流悞。

送陸冠周入都

關仙渠

折柳爲鞭。正躍馬雄嘶長嘯。芳草路水清山碧。總堪
憑眺。人語漸聽河北勁。鶯歌曾似湖頭妙。看板橋明
月送征鞍。吟懷峭。燕市筑誰同調。千里駿非常貌。
自排雲破霧。天門騰豹。索米總難臣朔飽。築壇不負

王孫釣。問當年鼎食是何人。頭還掉。

題蓋思書屋

許風

纔過橫塘。倚翠沼闌干幾曲。紗窗外遠烟乍起。晴嵐
如簇。石榻清閒塵不到。瓶花狼藉風相觸。問此中若
箇擁書床。人如玉。短墻下。湘妃竹。疎籬畔。淵明菊。
道未逢雄舉。暫爲雌伏。春樹鶯聲啼欲碎。碧波蟾影
浮堪掬。且科頭獨坐釣魚磯。傾醞醪。

介茲將北發酒間談往事

周在浚

四十行年。爲何事依然爲客。笑吾黨功名富貴。烏頭

難白磨蝎守宮甘受謗。歌魚彈鋏羞言別。况尊前好
景固留君。春江月。魏武誓。腸如結。孝標論。交堪絕。
歎情如繞指。心非煉鐵。顧我自慚東里辱。問誰能哭
西州宅。拚從今搔首。但呼天。無人說。

登南山懷張砥中

陳成永

獨上層巒。試一望江天無際。那堪是孤城寂寞。寒濤
如沸。戍壘秋深。烽火亂營門。日落哀笳起。憶故人年
少。學從軍。真堪異。嘗不盡風塵味。做不了英雄事。
羨弓如霹靂。馬如流水。醉裏揮毫能草檄。席前借箸
多奇計。愧吾生落魄。草萊中空憔悴。

題畫

呂 旉

金井梧飄。蚤送着半簾涼。吹步汀洲菊英未放。蘭馨
吐媚。弄月三更。庭藻冷。酣霜一夜。江楓醉。惹閒愁。羞
笛數聲幽。驚清寐。颼颼葉林頭。墜蕭蕭影。窓前碎。
看潭潦清澈。烟巒染翠。旅鴈傳將。閨裏怨。妻蛩喚出。
羈人淚。賦悲秋。宋玉最情多。添憔悴。

弔吳越故宮

陳慈永

立馬錢塘。望江草遙連。吳越還記起。鐵幢高築堤防。

東白堂詩選
兩浙疊雪樓前開萬弩。一時齊射龜鼉窟。看羊門開處。怒潮頭。隨風沒。會堂上。冠裳列。波亭外。樓船接。問錢家。宮苑樵歌。嗚咽亂蝶。迎秋飛。斷井幽花。著露垂。殘碣白。茫茫依舊夜。濤來翻孤月。

郎官道中

羅觀恒

萬里秋風吹不去。釣臺烟月猛憶着。去年今日山川殊絕。樹底寒雲含宿雨。江心怒浪噴殘雪。怪紛紛。紅葉落方山。蒼生血。傷往事。昆池劫。問前代。金莖折。有宮人白髮。向人偷說。一代狂生。牛馬市。千秋義氣。

龜龍碣。繞霜林。匹馬度郎官。心腸鐵。

步陳其年原韵

洪雲來

颯颯西風直捲起。愁雲千幅。悔當日有金不積。有書空讀。潦倒十年山鬼笑。飄流萬里哀猿哭。聽蕭蕭。落葉打柴門。山之曲。何足嘆。餐無肉。何足怪。炊無粟。賸幾灣白水。半籬黃菊。百隊錢刀都入仕。一身風雅。應爲僕。約狗屠。同醉酒樓中。聊擊筑。

送張砥中從戎

洪雲來

才子英雄正年少。翩翩自得。羨十載詞壇拔幟。人人

東白堂詩選
辟易半榻。愁拋荆玉淚。一燈寒擁牛衣。泣料窮途豈
合老班超。應投筆。懸弧志。誰能及。穿楊枝。今無敵。
想龍旂麾處。先教草檄。鐵馬朝嘶。風力勁。金刀夜洗
霜華濕。望仙霞嶺上。陣雲開。長天碧。

感懷

洪雲來

歷遍關山。祇贏得。星星華髮。堪笑處。風巾雨帽。冬裘
夏葛。赤田人行千里。汗黃河。馬渡三更雪。看蕭條。依
舊棄。繻生增悲咽。傷心淚。衣襟濕。掀髯笑。冠纓絕。
嘆燕臺衰草。沉埋駿骨。村店百壺花。豎酒江天。幾棹
漁。篋。月。細思量。箇裏樂何如。乾坤濶。

五日感懷寄洪昉思

沈豐垣

醉讀離騷。又安問他鄉重五。空自對新蒲細柳。感懷
湘浦。抽思知君佳句好。遠遊笑我癡情誤。嘆萬山溪
處。一行人。迷歸路。花影瘦。鶯無語。鏡影缺。鸞空舞。
總排雲。可叫此懷難訴。十載春遲。悲杜牧。去年門掩
罨。崔護。漫題書。倩爾賦。招魂。增淒楚。

有感

沈豐垣

薄命蕭娘。鎮孤負佳辰遙夕。曾寄與紅箋小字。慢教

悲感。明月一簾花蕩漾。繁霜四野蟲啾唧。但隨他有意與無情。誰知得。蘭欲汎。瀟湘澤。玉未剖。荆山石。是芳心常在。儘堪矜惜。路杳夢中行。不盡魂移畫裏呼難出。把相思還待問嫦娥。秋雲隔。

客中

沈豐垣

冷雨。淒風。都做了。客中憔悴。又還是。黃昏獨自。怎教成睡。一盞孤燈。全不亮。三杯薄酒。如何醉。更無端。窓外響芭蕉。心兒碎。空床影。那堪對。單枕夢。誰相慰。便別時有約。動經年歲。青鏡應知添白髮。翠綃猶記

緘紅泪。却嗔他。一夜玉簫聲。真無謂。

和王昭儀

吳本泰

白。鴈南飛。搖落盡。漢宮秋色。笳吹起。霓裳聲斷。絳河伊闕。翡翠巢空。金殿裏。鴛鴦瓦碎。瑤臺側。憶春風拂檻。露華濃。都銷歇。塵黯淡。燈明滅。蛩語似支離說。怨琵琶。空抱杜鵑啼血。戍柝驚回。鷄帳夢。玉容羞照。龍沙月。莫悲傷。環子繫羅衣。君恩缺。

獨夜

俞士彪

怕殺孤燈。趁暗裏自家睡罷。正沉沉。重關深掩。漏籤

東白堂詩選
纔下寒犬驚。嗥花下影。飛颺捎落簷頭瓦。細聽來不見有人聲。心兒怕。雙眼淚如珠。卸雙足冷如冰瀉。怎風兒剛歇。雨兒又灑。雀腦燒殘難再蕤。羅幃放了羞重掛。只消他一箇杜鵑啼。魂銷也。

冬閨

佟國興

淡閉重門。鴛鴦甃五更霜浸。天未曉。鑪餘殘火被翻紅。滲。捱暖芳情知習慣。玉釵溜臂。渾難禁。怪小鬟催起道。今朝寒偏甚。衾欲啟。香還稔。掀羅帳。推珊枕。把輕衣。忙着倒橫。難審門外一輪初。日上窻前幾陣。

寒風凜。試新妝。瓶裏折梅花。層冰沁。

贈歌者

佟國興

家本江南。曾傳得斷腸遺句。看冉冉梁塵欲下。飛雲暫住。素指促成弦與管。靈心巧換宮和羽。一聲聲喚我故鄉情。愁千縷。行不盡關河路。受不盡離思苦。嘆周郎憔悴。無心顧誤。惆悵知音能有幾。陽春白雪成虛度。嘆英雄心事亦如君。休悲楚。

送沈適聲之吳門

洪昇

君去吳門。正捲地楊花如雪。歷幾載牢愁。激楚對誰

堪說寶劍空留身。骸骨黃金散盡人。離別怪隱然五
嶽起胸中。殊難滅。拚飲盡。啼鵲血。思截。鸚哥舌。
怪笛聲何處。晚來嗚咽。數盞村醪。春月淡。半肩行李。
烟波濶。向要離塚畔。哭吳雲。天應裂。

咏老少年

凌如恒

露冷空庭正。秋老蛩吟四壁。見一片蒼黃砌草參差
如織。着雨渾疑紅袖舞。帶霜還似朱顏泣。對西風無
數。鴈來紅。添秋色。乍看處。霞城赤。丹青手。誰描得。
不須粧脂粉。天然標格。道是花時。原不是。珊瑚七尺。

闌干立。可憐辜負了少年名。無人惜。

過昭關懷古

佟世南

百尺雄關遙望處。勢分吳楚。臨斷岸。扁舟乍艤。獨來
弔古。哀鴈吟霜。孤月冷陰。風拂水。江潮怒。正憑高。默
默感予懷。誰堪訴。思昔日孤忠苦。向此地重關阻。
嘆兵屯虎豹。欲飛難度。楚樹吳雲。猶在眼。吹簫乞食。
歸何處。但如今鐵限鎖寒烟。迷榛莽。

秋夜

佟世南

立盡黃昏任吹我。西風凄切。偏無奈。綺羅不勝肌寒。

東日堂詩選
如鐵別後閒情頻入夢。枕前舊恨空啼血。向人前。豈是故相瞞。原難說。燈黯黯。長欲滅。心耿耿。空悲咽。儘三更銀漏。聲聲聽徹。白鴈紅鱗難問取。冰絃玉管成虛設。到不如醉裏了生涯。拚愁絕。

感懷

張星耀

獨上高臺推不去。故鄉愁抱。又爭奈。征途落莫。涼秋先到。夕照橫天。隨鴈沒。黃花滿地。和霜倒。但無言半晌。倚闌干。心如搗。來復去。何時了。朝復暮。催年少。把功名。回首。半生堪笑。芳草年年。梁苑客。秋風歲歲。長安道。最無情。江上舊青山。看人老。

客感

張星耀

奔走風塵銷盡了。半生英氣。堪笑是青衫。破帽年年如此。司馬空留橋上筆。禰衡欲滅懷中刺。嘆饑烏繞樹。不曾棲。驚風起。鞍馬上。春明媚。途路裏。人憔悴。任天涯落魄。從來不悔。十載長安來復去。嶺雲江樹。三千里。只嫌他。處處有啼猿。心還碎。

送別

張星耀

握手長亭對無限。越山凝碧。寒江上孤舟催發。晚潮

風急霜雪滿頭人。別後天涯重會應難。况故鄉歸去亦無家。長如客。繫不住。西飛日。纔轉眼。成今昔。念西湖勝賞。幾番寥寂。鴈足無書秋自老。夢中有路雲常隔。看斜陽冉冉度平沙。孤烟直。

感懷

張星耀

西楚東吳笑幾載。風塵鞍馬。依然是青衫破帽。利名虛話。長鈇歸來遊倦矣。斷猿啼處。魂銷也。料漢宮應自悅。傾城無媒嫁。誰酌取明珠價。羞長寄人籬下。看江山依舊笑人衰。謝國士空垂淮水釣。酒徒同入

高陽社。問吳鉤。何處着雄心。寒光射。

別別婁水諸同人

張星耀

莽莽乾坤笑南北。孤踪無着空自對。秋風行李一般。蕭索。戈戟依然橫楚豫。烟塵回首迷京洛。喜酒徒相訂入高陽。吾堪托。且莫問他年約。誰得似尊前樂。但詩酌白雪。酒催銀爵。滿路風吹霜葉亂。一絲月映秋雲薄。又明朝江上買歸舟。天涯各。

空亭日暮

寄洪昉思時客薊門

沈謙

東白堂詩集
空亭日暮。記聲斷驪歌。搖鞭欲去。沙草半連雲。雪花
時帶雨。夢難憑。期漫許。但相看無語。纔轉眼。散髮披
襟。江南酷暑。我有離情。怎訴。想望月。蘆溝也。思舊
侶。砍地爲誰哀。談天何自苦。妙文傳。芳信阻。正金臺
弔古。愁多少。駿骨如山。寒烟宿莽。

掃地花

夜思

吳壽潛

重簾未下。正林外疎鐘。聽來聲緊。爐香欲燼。便濃熏
翠被。夜深還潤。雨洒紗窓。燈蕊暗搖。青暈。筭今夜難

覓夢緣。空有愁分。舊事頻暗忖。記帶露簪花。和香
裊粉。妝成輕俊。更臨風倚醉。低頭笑認。月墜西樓。猶
自貪歡未困。那知道。而今恁般孤悶。

尾犯

秋懷

王士禎

羅袂怯西風。玉露初零。瓊花暗落。一片珠簾對寒梧。
畫閣隴首。秋雲初黯澹。天邊鴻雁初飄泊。最堪憐。處
楚簟涼生。孤睡何曾着。吳天凝望。遠無限。水驛山
郭。目送雲中甚。鴈書堪託。往事空憐。韓椽少。新歡已

負秦樓約。七弦琴上私傳語。女床鸞鶴。

應天長

嚠城客夜

俞士彪

嚠城秋更苦。正楓染微霜。柳欹碧水。海國天寒底事。
浪遊到此。少年悲作客。嘆今日更增憔悴。魂斷處冷
雨疎鐘。清涼蕭寺。離恨怕提起。笑依劉王粲。登樓
何意。幾盞村醪。不是中山沉醉。漏聲無賴甚。偏只向
客中迢遞。算此際惟有青燈照人垂淚。

玉漏遲

咏鴈

劉基

渺長空萬里。西風動地。鴈來無數。早發榆關。暮入楚
江。烟雨逝水浮花去遠。但滿眼黃蘆飛絮。腸斷處雲
深夢澤。月寒湘浦。樓上有箇佳人。悶倚遍闌干翠
睂。雙聚淚濕鴉鬟。化成素絲千縷。一望一回惆悵。又
燈暗網蟲垂戶。天路阻誰知此情愁苦。

別意

俞士彪

西風多病客。那堪又是離懷別意。相顧凝眸。此際難
傳心事。憑仗鏡臺青影。長與照愁時顰翠。千萬里冷

東白堂詩選
烟淡月暮雲流水。知是浪蕘浮花。奈未免多情。誰能遣。此終日癡癡。小樓幾番倦倚。憶着春纖作處。但珍重舊時鍼指。今夜裏。凄凉自溫鴛被。

滿庭芳

落花

馬洪

春老園林。雨餘庭院。偏惹蝶駭鶯猜。薦紅皺白。狼藉滿蒼苔。正是愁腸欲斷。珠箔外。點點飄來。分明是。身輕飛燕。扶下碧雲臺。當初珍重意。金錢競買。玉砌新栽。更翠屏遮護。羯鼓催開。誰道天機繡錦。都化作紫陌塵埃。紗窓裏。有人憐惜。無語托香腮。

春草

陳霆

山外斜陽。客中細雨。天涯一望關情。故人何處。春草又還生。長記當時南浦。同携手。別淚雙零。音塵斷。江淹已老。身世總堪驚。東風真薄倖。移將新綠。暗滿歸程。正燒痕斷處。一片愁凝。烟靄秦川。故道青青處。多少長亭。孤村晚。杜鵑聲急。馬上酒微醒。

冬詞爲謝揮使時秀作

吳子孝

堤水初冰。山雲欲暮。雪花飛近簾櫳。皂貂帳小。開讌

射堂東。屏內辟寒金鳳。假寶瑟。無數驚鴻。燒獸炭。碧
壺湯沸。褥錦隱猩紅。銀瓶梅弄藥。歌聲不斷。酒盞
頻空。猶自道陶家風味難同。燈影遙翻朱袖。私語處
豆蔻香濃。人酩酊。翠裘半解。欵帽愛霜風。

吳江道中

來集之

山翠千重。雲天一抹。太湖邊畔行舟。征帆歷歷。來往
總無休。只爲蝸名蠅利。問誰箇得自棄。猶都輸與斜
陽漁叟。五月一羊裘。颼颼見兩岸。酒旗高挂。野屋
人稠。借三杯消冷。兼潤詩喉。因想三吳往事。有多少

名士風流。停橈後。故人不見。烟草滿汀洲。

立秋

梁清標

茆屋三間。槐庭一葉。金風乍入繩床。年年此際。涼思
滿奚囊。廿載黃梁夢境。一撒手。轉眼荒唐。閒消受。幽
花文蝶。秋水玉簪香。商量喜計日。東籬綻葢。紫蟬
迎霜。問誰家新醪。早熟先嘗。萬事休教掛齒。驚覓魄
利鎖名韁。登高處。遠山蕭颯。孤鴈度斜陽。

雨中花歎

龔鼎孳

綠剪裙腰。紅銷眉暈。恰聽鶯囀空堦。海棠愁重。羅幄

東白堂詩選
暫徘徊。那更簾鉤卓午。銷翫雨。陡地驚推。無聊甚。年
年。花。草。多。半。怨。春。來。長生私誓後。當風羯鼓。燕惱
蜂猜。問亭亭香影。掃盡還開。竟似離雲萬疊。南浦約
經歲纔回。殷勤囑。朱樓意嬾。無力踏青苔。

重遊京口

龔鼎孳

樓枕層濤。屏橫遙翠。捲簾多少黃昏。西風客到。紅蓼
翦江村。一派天台舊路。金輿送七寶霞裙。差僂倖。雲
階歎息。阮肇不曾聞。墻東諸女伴。蒼苔共踏。爭拾
香塵。爲映花。人面。常。夢。題。門。記。得。粧。臺。小。妹。看。看。改

芳歲天孫。青山外。六朝明月。留照綺羅春。

丁未九日蕪湖赭山登高有懷里中諸友

曹爾堪

銅狄迷烟。金莖瀉露。壯懷今已無成。西風搖落。老大
倍關情。回首蓬萊萬里。青藜燭。祇賸枯檠。千秋後。誰
知我者。惟有麴先生。心驚秋浪發。鯨吞鼉吼。水上
橫行。望嶼磯突兀。犀浦分明。遙憶茱萸插罷。都嘗遍
香稻黃橙。孤踪在江城。客館醉臥。月三更。

丁巳重九日同宗備五過寓小飲令節催人

駑駘戀棧不覺情見乎詞矣

王紹隆

風動微寒。輕陰愈爽。四幕青黛相連。節當重九。聊繫
杖頭錢。覓得茱萸對酒。逢君至。雄辯驚筵。難拚處。騷
懷似我。輕訴阿誰邊。關山容遠。目江臯歲宴。蕉鹿
思牽。况菊籬三逕。秋老誰憐。多少長空。鴈字緘不盡。
天半情箋。而今後。天涯有路。風信任年年。

送家弟芷公歸廣陵

梁允植

楓落吳山。蛩吟客舍。中宵月滿匡牀。竒才落拓。五嶽

擁書囊。有待春風上苑。閒笑傲。問弩錢塘。西窓話。聯
床挑燭。永夜澹。貌香。思歸遊欲倦。江梅度。鴈雀舫。
迎霜。嘆浮雲蒼狗。世味先嘗。轉盼金臺骨貴。控白馬
紫色遊韁。堪遙憶。邗溝衰草。帆影亂斜陽。

聽商生徵說彈琴永恩樓

毛甡

微雨涼收。風翻橡葉。女牆斜點三星。永恩樓上。躡履
暗中聽。何處紫瓊初發。珠簾外。流水泠泠。停聲久。千
崖忽墮。玄鶴舞青冥。汾亭遙奏。後簫憐秦女。瑟怨
湘靈。奈晚風吹角。秋雨淋鈴。黃草峽中。故妓冰凌下。

私語銀屏屏中睡。今宵無夢有夢也應醒。

旅况

曹爾堪

數點歸鴉。一江流水。織成片片離情。蒲帆高掛。偏帶夕陽輕。回首來時舊路。凝望處。隔岸山青。青山外。寒林落葉。去鴈兩三聲。長亭人別後。疎燈明滅。孤枕淒清。恨征途愁醉。酒也難醒。何處悲笳乍起。荒村裏。匹馬人行。城頭上。晚鐘敲斷。新月淡初生。

寓京邸題黃恕涵表叔新亭并贈

洪雲來

丹鳳城西。金魚池北。小亭積翠鋪紅。曲闌深處。鸚鵡喚雕籠。四壁圖書閒雅。香浮鼎。案列詩筒。低牆外。天桃弱柳。一路亂春風。高懷能好客。閉門投轄。爽氣如虹。令天涯遊子。忘却飄蓬。正是狂歌無賴。提壺去。痛飲千鍾。高臺上。乘酣一眺。明月在遙空。

秋景

吳棠禎

紅樹藏鴉。白蘋啼鴈。西風吹就輕寒。小橋流水。鎮日凭闌干。當日香堤載酒。倡樓女。迎下雕鞍。水簾內。琴聲三弄。燈影落花殘。前歡何處是。多情雙鬢。白到

東白堂詩選
潘安便書札。重重難慰加餐。井上梧桐又墮。深閨夢
定。問刀環銷魂也。斷烟新月。夜夜苧蘿山。

歸思

汪 影

梧葉驚秋。蛩音泣露。別離况是新秋。陽關唱斷。歸思
不堪留。愁見西山北郭。斜陽外。一葉孤舟。歸去也。匆
匆別緒。欲說未能休。綢繆能幾許。三分風雨。一半
煩憂。到如今。往事都付東流。此別何時重見。清江晚
烟水悠悠。相思處。西風千里。夜夜木蘭舟。

閨憶

仲九臯

玉酒難醒。銀燈不亮。夜深悄閉空閨。低頭抱影。紅淚
自雙垂。慵把綠茸掛起。珊瑚枕不住。輕移。慊慊處。牙
床怕睡。坐起攬羅衣。相思念。隔斷瀟湘千里。好夢
無期。更寶釵翠冷。菱鏡塵迷。那得春羅帕子。南樓上
重寫新詞。寒宵永。可堪銅漏滴到斷腸時。

章江旅思

釋大瓊

吳樹雲深。楚江春老。夢回何處疎鐘。拍天無際。烟雨
畫樓中。故國梨花香繞。車輪驟寒食東風。江淹恨。千
條萬縷。都結上睂峯。朦朧分手地。愁雲慘雨。直恁

匆匆儘三分春色。偷借秋容。向道繁華電影。怎禁得
萬里飄蓬。傷心處。闌干倚遍。一笑海棠紅。

怨別

佟世南

手爇金卮。淚分羅帕。盡君此刻綢繆。無情寒日斜照。
越江頭。今夜孤舟有夢。應未識。能到妝樓長亭外。春
光無賴。風起落花愁。悠悠從此別。魚書鴈字。兩處
沈浮。恨斷雲殘雨。佳麗揚州。多少倡條冶葉。誰能似
柳絮溫柔。還愁是霜天。蕭槭。衰落不勝秋。

寓目

張星耀

鼓雜潮聲。旗翻雲影。行營暫駐江臯。蒼鷹黃犬。小隊
逐鳴鏢。海日風吹欲墮。塵沙起。暗滿弓刀。秋天迥繡
盛金鎧。萬弩射銀濤。前朝曾見說。江東子弟。並是
英豪。恁金湯灰滅。樓艣烟銷。珠玉故宮仍在。山滿目
難返。征軺天涯外。王孫飲恨。感策亂寒宵。

無題

張星耀

皂帽風欺。青衫露冷。塵埃憔悴容姿。水程山驛。千里
恁奔馳。多少人間天上。耽悞了。燕約鶯期。春歸也。梨
花風雨。人到斷腸時。還思當日事。樓頭乍遇。望眼

頻迷借輕紗團扇。淚寫新詞。欲覓天涯歡聚。倒博得
客路悲凄。斜陽下。征鞍回首。山遠淡如眉。

燕山道上和洪昉思

張星耀

易水風悲。蘆溝月冷。行人暫駐征鞍。燕昭何處。荒草
滿平原。不見黃金臺館。空贏得駿骨如山。疎林遠。高
陵望斷。落日黯無言。年年塵土裏。輪他白髮。換却
朱顏。指長安宮闕。多在雲端。昨夜漫天飛雪。朔風起
吹滿燕關。家鄉杳。浪遊倦矣。蕭瑟做裘寒。

破鏡

張星耀

蟾魄雙分。菱花半缺。春風暗泣孤鸞。天南地北。兩處
照愁顏。只似初生新月。望不到三五團圓。真堪嘆。物
猶如此。人却怎生拚。還憐情莫寄。芳容暗損。懶貼
花鈿。便樂昌能見。難訴悲酸。總使將他重鑄。怕照我
不似從前。無言也。影兒相對。猶是不曾圓。

倦尋芳

過外家屏山堂時余歌鼓益者一載矣

沈爾煜

碧梧新霽。竹裏行厨。曾此銷夏。踏遍屏山。記得夕陽

東白堂詩選
西下倒金樽。攏寶瑟。瑤芳歲淺。雙蛾盡。幾何時。又征衫。老大鏡臺長夜。輕颺動。踞胡床。草樹依然。亭院瀟灑。百尺高松。極目驚濤空瀉。冷落青楓。塵土夢依稀。烏鵲橋邊話。且停杯。問榴花。幾番開謝。

水調歌頭

春暮

劉基

雨過百花盡。綠葉自成帷。翛然驚破。殘夢何許一黃鸝。獨上危樓凝望。不見陽春去處。惟見草離離。且喜畫梁燕。還傍舊巢歸。理紈扇。清竹簟。試單衣。莫思

身外閒事。有酒便須揮。螻蟻王侯同盡。何用名標竹帛。留與後人疑。坐久暮天碧。月在綠楊枝。

題扇

陳霆

功名大槐夢。身世釣魚舟。歸來雪川茗水。聊當五湖遊。誰計一絲高潔。自喜半生清曠。瓦枕對眠鷗。回首雲臺事。一笑正堪休。桃花岸。蘋花渚。荻花洲。蓑衣任君高掛。安用搭羊裘。拍面溪風。山雨滿棹。江雲海月。濁酒注磁甌。醉後不知處。江上數峯秋。

夜宿縉雲玉虛宮作

趙寬

東白堂詩選
夜賦懷仙詠。曉入洞天遊。人間有許竒絕。真是到丹
丘。行盡青山落日。又上碧天明月。依約見瑤樓。玉柱
九千仞。空翠壓雙眸。軒轅氏。六龍馭。此淹留。靈光
萬古長在。塵世自悠悠。望入紫雲深處。環列霓旌羽
蓋。泱泱異香浮。乞我飛霞珮。流彩照瀛州。

聽丁翁彈南曲舊事

吳綺

天寶當全盛。猶記舊宜春。繁華最稱南國。花柳鬪尖
新。歌舞六朝門巷。金粉千家烟雨。楚潤好精神。我始
欲愁矣。何事近黃昏。秋風起。人世改。換朱門。後庭

一曲不應恰向我時聞。重見白頭遺老。細數新亭舊
事。此際黯消覓。僕本恨人耳。掩淚對青樽。

諸虎男往來富春江因贈

張綱孫

捉將富春月。長嘯任西風。扁舟深夜舉。棹枕席伴孤
鴻。望着遠沙如雪。上有錦峯繡嶺。天半落芙蓉。醉酒
坐題句。人在畫圖中。雙臺下。浪濤湧。捲蒼穹。此時
登岸。馬蹄踏碎。栢林紅。纔是荒鷄催曉。又聽白雲深
處。隱隱出疎鐘。好去巖陵渡。呼起釣魚翁。

遊仙

陳仲永

曉起跨黃鶴。飛上蓬萊山。山上慶雲紫。霧宮殿鬱盤桓。翩翩羽旗翠蓋。來往仙人無數。環珮更珊珊。引我見王母。再拜受金丹。弄盤古。削風骨。養真鉛。啖我金鹽玉。鼓長久。駐華顏。無奈塵緣不斷。剛住三朝三暮。還自到人間。堪嘆利名客。兩鬢已斑斑。

答家兄仲謀

彭孫通

去年分手處。蕭寺古鐘樓。縹緲霜天孤。鴈驚破一行秋。二十四橋烟月。一百五朝風雨。憔悴少年遊。故鄉渺無際。目斷不勝愁。吳天角。楚江尾。越山頭。不如

從此歸去。揮手弄漁鈎。總有長安同學。誰問行吟澤畔。五月有披裘。湖山春未老。去去莫淹留。

咏益松

韓雲

凌霜能幾度。勁骨自天成。誰向玉缸栽。就翠蓋漸亭亭。待欲干霄千尺。自分寄人籬下。那敢作濤聲。且養虬龍質。羞煞大夫名。又何必移春幔。護花鈴。寸山勺水。恐難留。蛇蠃蒼鯨。好待風雷移去。寄種瑤臺深處。障得半山青。記取一言贈。無負歲寒盟。

湖泛有感

陸進

東白堂詞選
連朝雨新霽。小艇泛西泠。一望四山如沐。樹樹滴空
青。上下蟬聲斷續。遠近漁舟搖曳。笳吹起。嚴城荷花
正開處。冉冉曉霞輕。憶往日。携紅袖。酌瑤觥。月到
綠楊堤畔。環坐撥銀箏。簫鼓斷橋聲歇。金粉綺樓人
醉。猶是撲流螢。上方鐘動矣。高興轉還生。

東白堂詞選初集卷之十一

三韓佟世南梅岑選

大滌陸進蓋思定

西陵張星耀砥中

錢塘沈豐垣適聲閱

長調

水調歌頭

登杜子美詩臺

王用說

乘興躡輕屩。登此少陵臺。臺上猶存殘碣。碣上半蒼

東白堂詩選
苔追憶先生去後。屈指千餘年矣。今日我重來。歛袖
一長揖。古意動人懷。眺重城。瞻古嶂。獨徘徊。秦碑
魯殿。可憐烟草盡。沉埋。惟有南樓遺句。贏得騷人吟
咏。千古重奇才。方信不朽事。多半屬吾儕。

七夕寄內

錢廷枚

銀漢皎然靜。舉首向長天。未知雲際烏鵲。曾否到河
邊。幾度凝眸相望。不見雙星會處。疑此或虛傳。欲睡
夢難有。且步小庭前。碧梧外。烟霧捲。月初弦。試觀
此景天上。今夕勝人間。秋夜迢遙方永。斗柄依稀低
轉。把酒漫留連。但願歡娛久。離恨慢相牽。

放歌

佟世南

東海蜃樓起。天半瀉黃河。此事茫茫無據。造化宛如
何。欲待摧燒筆硯。只怕萬般愁恨。無處可消磨。且共
狗屠飲。起舞影婆娑。君不見。春來去。落花多。少年
易老。問誰有計。駐羲和。歎我壯懷未遂。腰下寶刀難
脫。惆悵已蹉跎。不惜唾壺缺。且自發悲歌。

鳳凰臺上憶吹簫

夢二友卿謀

尤侗

玉樹生理。香鈞殉葬。人間無限傷心。聽山陽隣笛。淚
破衣襟。長憶連床對酒。燈影裏淺酌微吟。斯人死。坐
看卿輩。誰是知音。追尋天邊去也。盼十二樓中。鴈
斷魚沉。甚風吹環珮。夢倚瑤琴。依舊璧人一對。携手
處。翠袖花簪。應歎我。關山搖落。鬢髮蕭森。

和漱玉詞

吳綺

鏡翠封奩。爐香滅篆。晚山青嵌眉頭。記燈邊題扇。花
底藏鈞。寂寞蕭關人遠。千萬事總合長休。無聊是。早
春天氣。心緒如秋。羞羞玉臺孤影。便夢入巫陽。好
更難留。想紫簫吹月。袖倚紅樓。當日畫闌楊柳。曾親
見兩地情眸。而今也閒亭萱草。不解銷愁。

憶舊

嚴曾渠

驀憶當年。天寒臘盡。蘭橈正泊吳閫。乍明珠選麗。桃
葉携將。好是梁溪深夜。紅樓下倚玉。偎香春初轉。竹
西攬勝。鶯語垂楊。思量南轅北轍。歎慙慙憔悴。共
歷風霜。自綵鸞西去。夢杳巫陽。屈指荒原草冷。又不
覺地久天長。傷情處。橋邊流水。依舊輕航。

憶見

牛奩

閒處移神。淡中留目。偏教幽恨慳慳。自畫堂携手。常憶春纖。二十四番風信。空爲我吹過江南。爭知道。棟花飛盡。別淚空淹。眉尖欲開還歛。也自悔多情。枉受猜嫌。奈夢無彩翼。訴與香奩。鎮日簾垂銀蒜。生妒殺雙燕呢喃。巫雲斷。除非鵲橋。再度方忺。

答椒峰見寄

汪懋麟

萱草含烟。榴花迎日。逢君駐馬江頭。記黃梅雨歇。小月如鈎。緩步高臺把酒。談笑坐中夜。難休輕離。別人分千里。夢斷三秋。悠悠壯心空熱。惜多才司馬。詞賦淹留。念看殘青鏡。倚徧朱樓。忽接魚中尺素。臨風望淚點盈眸。休相問。春愁如海。怕更言愁。

閏七夕

董俞

鶴馭重逢。鵲橋仍駕。銀河依舊迢迢。喜雙星尊酒。又得相邀。翻覺幽期容易。笑人間別恨空勞。珠樓畔。荷香欲斷。桂露初飄。魂消歡娛再整。念此夜姮娥。碧海青霄。羨風流佳話。較勝初遭。每歲相逢兩度。又何須暮暮朝朝。低聲祝。年年但願常閏。今宵。

代人惜別

曹鑑平

霜醉楓林。風飄梧葉。驪歌一曲難停。見暮雲歸岫。日落江城。最是動人秋色。遙望見十里郵亭。腸堪斷。終須一別。枉費叮嚀。行行車聲去也。多少傷心事。閣泪盈盈。念夕陽古道。衰柳長程。人遠天涯難覓。應憐我無限深情。情人杳。而今幽怨。訴與誰聽。

研露堂小集

曹鑑章

銀浦初斜。金波尙淺。晚風吹到仙舟。恰寒暄語罷。濁釀新筓。一任滿斟高唱。回首看大火西流。笑多少。翻雲覆雨。廢壘荒丘。登樓。鴈聲將度。憶當年舊侶。泛艇橫秋。又芙蓉泖畔。鱸膾江頭。天半綵霞如畫。遠峰外。九點烟浮。最好是。青衫白恰。閒對沙鷗。

寄內

錢聿修

何事萍遊。山村水驛。扁舟到處畱停。看鷗波衝雨。魚浪吹晴。驀地兜人離思。多少恨。分付啼鶯。閒凝望。雲山影裏。數遍長亭。還驚知他憶我。獨自倚高樓。一樣含情。念楚臺人遠。折柬難憑。江外又無鴻鴈。空記取。南北行程。東風便教伊吹。夢傳語。娉婷。

無題

黃延

東白堂詩選
碧玉魂迷。紫簫夢斷。鶯啼猶到紗窗。看陌頭柳色。幾
度斜陽。不惜相思病苦。只恨着花月。淒涼。傷心甚。清
明細雨。滴到昏黃。思量舊遊何在。更夢入梨雲。難
問韓香。歎秦樓鳳杳。雲海茫茫。惟有西園蛺蝶。春來
了。依舊奔忙。奔忙處。香迷粉亂。何處尋芳。

登梳粧臺

張星耀

嶺帶孤城。路迷荒杞。繞山松檜蒼蒼。問粧臺舊跡。無
限悲涼。一片青山黃土。消磨盡翠袖紅粧。何堪見雲
愁越嶠。潮咽錢江。興亡漫勞憑弔。任釵蝕鸞頭鏡。

掩蟾光。尙依稀認取。前度宮牆。多少珮環來去。還畱
得雨膩雲香。無人處。歸鴉滿林。啼遍斜陽。

六么令

次晏叔原韻

沈謙

隔簾疎雨。又被晚雲閣。病餘轉添腰細。羞把柳枝學。
此恨都無人曉。花底鸚哥覺。粉箋香匝。新詞在手。記
取紅么指尖搯。多少蜂愁蝶怨。縷縷難酬答。多少
水遠山長。密密重籤押。似恁淒涼况味。端爲風流霎。
月如銀蠟。却曾照過私語喁喁。畫樓角。

雙燕笑孤鸞

旅思

沈謙

正。幾。夢。醒。見。斜。月。窺。窻。晚。鐘。初。撼。披。衣。坐。起。仍。在。亂。
山。孤。店。噓。噓。斷。鴻。過。也。宿。蘆。花。水。村。烟。歛。空。說。遠。遊。
豪。邁。止。博。些。傷。感。下。箸。從。來。酒。釀。若。比。着。離。愁。酒。
兒。全。天。西。風。淒。緊。獨。自。把。燈。重。點。幾。番。寄。書。不。到。料。
佳。人。怪。儂。拋。閃。爭。信。為。他。垂。泪。有。羅。巾。為。驗。

燭影搖紅

子規

陳霆

落。日。空。山。暝。烟。赴。處。行。人。絕。為。誰。携。恨。到。江。南。泣。盡。
枝。頭。血。最。是。五。更。寒。徹。一。聲。啼。一。聲。悲。咽。紗。窻。驚。散。
蝴。蝶。遊。魂。梨。花。香。雪。纔。見。飛。來。料。應。未。是。經。年。別。
吳。山。不。減。蜀。山。春。何。事。思。歸。切。回。首。綠。陰。成。疊。早。東。
風。落。紅。時。節。閒。情。最。苦。一。春。無。緒。寸。腸。千。結。

送虞景明之燕

毛先舒

突。兀。金。臺。五。雲。汗。色。蒸。初。變。春。衣。紫。陌。舊。齊。名。若。箇。
乘。風。便。舟。過。黃。河。如。箭。鳳。城。深。花。明。柳。倩。笑。他。漢。武。
一。箇。相。如。直。須。人。薦。我。辦。行。裝。衲。衣。持。鉢。歌。姬。院。

東白堂詩選
海鷗雲鶴不歸來。儘著疎狂遍。鷄黍他年驚見。試相看東風人面。還能賦得浮白如淮。落紅如霰。

八聲甘州

聽唐韡如彈琴

沈謙

自鍾期死後。碎瑤琴。古調向人難。正張華石上。蘇公泉側。淚血斑斕。打疊移宮換羽。袖手且盤桓。誰在東江市。霹靂重彈。最苦長門秋怨。可爲予。改操白雪。幽蘭奈無端。五嶽。膈上心間。但從來讀騷飲酒。問傍人此意不相關。祇博得萬山俱響。風急雲翻。

漢宮春

客中九日

陸嘉淑

極目平原。見疎林蕭颯。遠水瀾漫。舉頭一聲哀鴈。別淚空彈。秋容慘淡。但心傷行路艱難。何況是重陽時節。天涯風景淒然。長恨征途憔悴。歎敝裘風雨。疲馬關山。爲問故園黃菊。知有誰看。風吹破帽。漫憑高一醉尊前。渾未解遠遊何意。白雲回首江天。

旅感

蕭廣昭

匹馬天涯。漸看看日暮。投宿誰家。荒原數行衰柳。幾

東白堂詩選
縷殘霞。金風蕭颯。叫寒雲。鴈陣橫斜。有誰見病軀勞
瘁。帽簷積滿塵沙。自念奔馳南北。把玉顏已緇。難
換烏紗。堪悲棄繻投筆。事事都差。山村水驛。賺征人
送了年華。擡望眼。仰天悲嘯。劍鐔冷。浸霜花。

咏瓶中五色牡丹

佟世南

春豔花王。剪雲霞五彩。乍製輕衣。淡描濃抹。全勝十
樣新眉。漢宮春曉。露紛紛。粉黛胭脂。愛姊妹梳粧各
別。一般國色天姿。最怕雨欺風妬。向膽瓶歌側。如
訴幽思。窓中繡簾深掩。蜂蝶休窺。浮香泉煖。鎖洞房
不放春歸。更何用玉環捧硯。沉香亭畔。題詩。

別情

張星耀

春柳春花。被寒烟宿霧。釀得愁濃。離懷顛倒。不覺羅
帶潛鬆。贈鞭畱珮。儘遲延亦是匆匆。多情日。爲人畱
別。曉來不上樓東。此去山重水複。便華驄能認。魂
夢難通。還愁征途塵土。易老芳容。星星鬢髮。怕銷魂
又在相逢。紅巾泪。難將恨寄。等閒彈與東風。

燕臺春

春情

張文宿

鶯舌調風。花心捧露。湖山又早春來。試展芳踪。還尋
舊日亭臺。重重畫障烟開。正波流漲綠。平隄莎軟。一
番雨過。洗盡塵埃。香車如貫。脆管鸞喧。玉纖鬪草。
寶髻簪梅。眼前境界。何須更覓蓬萊。只恐年華。更是
匆匆。暗把人催。且徘徊。猛拚終夕飲。醉臥蒼苔。

飲來青園故侍御劉君別墅也

梁清標

碧草孤村。青蘿三徑。輕陰早散樓臺。金谷繁華。而今
半委蒿萊。名花侍御曾栽。歎芳菲零落。雛鶯空囀。當
年燕子。依舊飛來。躬耕別業。送酒旗亭。變遷轉眼。
屏幄重開。冶遊挾彈。金鞭寶馬頻催。客醉東園。風迴
翠袖。香入春醅。幾徘徊。人去松影亂。鴉滿城隈。

帝臺春

春懷

梁清標

晴日炙雪。初消池水碧。遊鱗負水。好鳥窺人。閒愁增
劇。追憶年時香閣裏。携手看故山。春色奈而今。惱亂
東風。偏吹孤客。春猶昔。渾暗擲。人咫尺。何從覓。歎
陌上青青。又生芳草。薄暮綠烟如織。湖海氣難一日

東白堂詩選
減兒女泪已千行。滴漸近了。花朝怕重提寒食。

黃鸝遶碧樹

春晴

吳綺

麗景逢初霽。烟收樓閣。雪銷庭院。砌柳官梅。正酥紅
萼破。淡黃絲軟。鳳城桃菜。早人與東風相見。看又是
幾箇迷香嫩蝶。窺簾輕燕。漸覺羅窓手暖。試裁縫
袖溫金釧。記前事。有籠燈密約。尋花嬌囀。惆悵歡情
似夢。空歎惜韶華變。教人悶。倚衣篝暗。低紈扇。

弄珠樓

弄珠樓宴集贈陸嗣端司馬 沈謙

烟濤萬頃。看九龍奔赴。弄珠樓。重簾高枕。水天日夜
悠悠。白鴈風驅。黃花露濯。描盡十分秋。莫負佳人勸
飲。玉杯似手。翠蟻香浮。搔頭燈前敲斷。應為節輕
謳。星移物換。淪亡古跡難求。錦帳催詩。紅衣扶醉。改
席上蘭舟。囑付青衫司馬。襟懷磊落。漫學江州。

聲聲慢

咏愁

劉基

無踪無跡。難語難言。依依只在心曲。雨冷雲昏。日暮

海涯天角。輕衾夢回酒醒。夜悠悠。垂響燈綠。事去也。縱相憐。不是那時金屋。鏡裏清揚。婉婉。凭朱闌。知他爲誰顰蹙。鳳老梧桐。慘淡九峰青蠹。湘江汨痕未盡。有嶺猿相伴。幽獨。向此際。更那堪。懷古送目。

偶成

卓回

秋風四起。萬象飄零。獨畱愁恨。因何。難道人心。愁和恨。有根麼。功名富貴。如錦較花枝。猶不爭多。宜歌笑。但金杯入手。莫惜微醪。多少倥傯。把清歡。麗景。枉自蹉跎。况是吾儕。頭上。強半皤皤。總使黑頭人。

物也。何妨花酒消磨。君不信。看流年飛去似梭。

無題

仲九臯

長風撲面。碧浪漫天。那堪此際離別。把袂依依。無語相看。凝咽。兩行珠泪不斷。染青衫。盡成清血。斟玉酒。再叮嚀。無奈蘭舟催發。勉強拋伊去也。腸斷處。聲嶺猿啼徹。回首朱樓。但見暮雲千疊。今宵夢魂無定。歎空船錦衾徒設。行漸遠。料此際。心事怎說。

夏初臨

夏景

汪懋麟

梅子新垂。荷錢正小。困人天氣初長。昨日春歸。楊花
亂點池塘。一雙紫燕飛忙。看營巢泥落空梁。水晶簾
捲。珊瑚枕滑。玉簟清涼。美人睡起。獨倚紗厨。鍼慵
線嬾。鳥語花香。此時模樣。歡來總未隄防。剛值殘粧。
露春膚半掩。羅裳漫猖狂。伴拋蠅拂。戲打檀郎。

感懷

朱彝尊

賀六渾來。王三軍隊。壺關王氣曾分。人說當年。離宮
築向雲根。曉烟一片氤氳。想圍焦石。堊猶存。琵琶何
處聽。殘勅勒。銷盡英魂。霜鷹自去。青雀空飛。畫樓

十二。金粉無痕。春風嫵娜。依然芳草。羅裙驅馬。斜陽
到鳴鐘。佛火黃昏。伴殘僧。千山萬水。涼月松門。

燕賀鶯遷

席上贈友

陳鼓永

郡亭春晚。正吏散鶯啼。客來花笑。高山流水。千古幾
人同調。潤逼爐烟暗裊。看簾幙低籠翠篠。知爲我久
懸塵榻。徑燕重掃。素練新詞絕妙。似鸞嘯穿雲。蛇
驚入草。不知英傑。何日濟時纔了。公輔黑頭非早。須
記取青樽重倒。今遠宦有湖山佳麗。漫榮懷抱。

萬年枝

吳門春思

沈謙

昔日高臺恨聽歌未了。已見荆棘。野。野。低雲人道。錦
帆遺跡。寶祿花。釵土蝕。記笑倚東窓無力。而今安在。
亂峰荒寺。古碑誰識。天涯寒食。正當那落紅萬點。
旅思淒惻。門對垂楊。住久黃鸝認得。愁淚不須沾臆。
恐添注太湖深黑。醉時獨嘯。蒼波東逝。斜陽西匿。

東城秋思

沈豐垣

咫尺東城。試凭闌獨望。不勝淒惻。猶記年時邂逅小

庭花夕。砌下合歡偷摘。怕樹上流鶯知得。紅腮欲笑。
玉纖彈怨。未堪追憶。三年間隔。又偏值重陽風雨。
鴈聲嘹唳。草白烟青。何處畫樓吹笛。彩鳳難傳消息。
便惆悵也。應無益。濁醪數盞。困眠一枕。歲華相逼。

孤鸞

禁中妓

林章

為誰拋撇。似海燕初分。林鶯乍別。回首天涯。滿目雲
山愁絕。東風不憐春色。把一枝楊花吹折。直恁粘烟
帶雨。更盈盈似雪。奈夢兒相隔。恨難說。想昨夜孤

更白堂詩選
衾。今日雙頰。比這青衫上。有幾重啼血。一聲晚鐘動。
了。又送人斷腸時節。莫把琵琶亂撥。正春江潮咽。

閨憶

佟世南

孤鸞驚見。歎黛妬愁眉。粉悲瘦面。凝立牆頭。分付一
年春怨。懊恨東君相促。把韶華盡歸鶯燕。况復輕帆
別後。有許多腸斷。更那堪芳信天涯遠。縱夢到江
南。一霎還轉。淮水春來漲。抵相思一半。珠簾欲鈎。又
下。怕人隨柳綿花片。記得玉郎姓字。倩鸚哥。頻喚。

晝夜樂

夏思

俞士彪

別來不道韶華換。火雲飛。南風扇。拋他水閣幽歡。博
得炎途離怨。萬水千山迢迢遠。難與你題詩羅扇。多
少好風情。付異鄉鶯燕。浮瓜沉李。冰盤獻。未同嘗。
怎生嚙。晚來試着輕衫。還是綠窓鍼線。牆外棗花黃。
纂纂。更憶着手中金釧。懶去揭紗幘。任斗橫星亂。

月下笛

遊園證歸夜飲青塘橋看月 吳綺

謝氏諸昆。梁園勝侶。鶯時俱集。花輿錦轡。踏遍春山。

東白堂詩選
晴碧問湖邊。烟雨樓臺亂。峰猶認南朝迹。正尋芳未
倦。綠楊橋畔。寶蟾初覿。鵲爐擁道。看清光如水。水
光還射。坐列氍毹。共把瑤觥歡吸。笑庾公樓上橫床。
愛子野風前弄笛。待歸來。還怕杏園客散。花歎息。

雙雙燕

感懷

梁清標

蕭蕭易水。問何事春來。助人悽惻。蘋香柳嫩。妍景任
教拋擲。聊話郎山雨夕。又夢繞潭園烟色。紛紜身世
多般。已見鴈飛南北。誰遣頭鬢頓白。怕縱有春風。

也。難消得。壯懷無奈。說甚肝腸。鐵石。况聽高樓弄笛。
盼不到。漁簑消息。試看陌草青青。正是杜陵寒食。

旅感

佟國璵

問多病客。怎怨疊長顰。愁深微醉。芳洲草綠。惆悵王
孫歸未。離思乍來天際。想一似吳江春水。東君憔悴
無端。沒箇惜花奇計。寂寞他鄉滋味。奈頻歎投梭。
幾辜遺珮。揚州刺史。遲了十年結子。一段柔腸欲寄。
總分付筆頭紙尾。夢魂欲到鄉關。單枕水漸紅淚。

閨怨

洪雲來

又黃昏了見樓外垂楊。樓鴉幾點微茫。月色才照茶
蘩一半。烟淡落花庭院。更侍兒携來銀燕。雙雙放下
蝦鬚。不許愁人望遠。難剪離情如綫。總香滿紅篝。
羅幃不煖。怎生去睡。但聽麗譙銀箭。料此際歌樓芳
宴。正醉覩瓊酥。嬌面懊恨似恁疎狂。休教阿儂夢見。

秋夜客思

陳之群

又黃昏了。怕敗葉驚窻。饑虫鬧砌。客館無人。早把重
門深閉。聽着蕉樓畫角。已先是安排憔悴。枕前多少
鄉魂。遙隔吳江秋水。坐久寒侵雙臂。但斜背孤燈。

自熏羅被。曉風殘月。戀着愁人行李。笑我滿懷歸思。
全不爲萼羨鱸膾。腸斷此際情悰。縱有征鴻難寄。

秋過

沈豐垣

漸秋過了。是天氣如何。霜風淒緊。紅樓翠淡。冷浸玉
蟾微暈。前事向誰重問。慣惹得心兒迷悶。由他笑裏
無緣。自覺愁來有分。思忖花嬌柳嫩。但半語傷懷。
也難安頓。一線春光。無奈遊絲。裊盡消得東陽瘦損。
深院閉。怎尋芳信。夜寒夢斷香幃。又被燈光勾引。

憶金陵

佟世南

又春到了聽三疊陽關行人如醉雲山阻隔楊柳故園青未回首長江無際又說甚六橋流水枕前迷却鄉魂花裏頻遲歸計不見鍾山風味羨月下笙歌雲中環珮羈棲結伴只有雙雙燕子音信天涯難寄但認著吳頭楚尾短吟寫就長箋窗外落紅濺淚

揚州慢

放鶴亭梅花

佟世南

老幹渾苔柔條未萼幾枝零落荒亭望空山落日正笛韻淒清自雙鶴高飛去後亭前三百霧鎖烟橫到而今都隨流水暗逐浮萍遼陽夢返筭逋仙重到須驚念疎影橫斜暗香浮動難賦幽情水畔紅亭空爾波蕩漾夜月無聲但墳前芳草春風着處還生

丁香結

私語

錢聿修

花霧冲寒條風帶酒悄共闌干私語問昨宵情緒推不去偏自向儂纏絮春朝何處醉將伊問恁般推阻心頭鷲地如刺想又那人畱任回顧正記着年時月下心香曾訴金雀鴉鬟玉籠鸚鵡情詞堪據怎便

拋人千里沒些兒。張王勸伊行及早。此夢從今休做。
金菊對芙蓉

悔齋賞菊懷舟次客江右

曹爾堪

翡翠開籠。茱萸鎖匣。江頭叫斷林鴉。夢華胥佳日。錯認京華。邗溝榻下。澆醅。銀燈換菊影。交加黃垂蒂。重粉含苞。淺染雨烘霞。魂銷多少。悲笳。歎永豐坊。畔烟柳橫斜。况竹西冷落。紅樹蒼葭。潯陽鮪鮓宮亭。酒人何處。淚濕琵琶。蝦簾月落。洞簫風細。回首天涯。

至夜

顧貞觀

指冷熏衣。緒深添線。與誰同坐更闌。聽繞簷冰筍。憂碎琅玕。今宵海樣蓮花。漏暗教人數盡。悲歡燕臺夢。隔似伊清瘦。可奈嚴寒。雙魚昨寄平安。道夜深風雪。多任郊壇想翠華。此際隱隱迴鑿。傷心一片青袍影。只空陪彩仗。千官口脂。面藥幾時宣賜。分餉孤鸞。贈馮德之

張星耀

塞草秋枯。寶刀霜冷。呼朋射獵城東。正馬如掣電耳。後生風仰天一笑。弦聲絕。雙飛鴈忽墮雲中。漫天飛雪。暗風吹滿玉羽雕弓。歸去路沒行踪。向紅樓索

東白堂詩選
醉一飲千鐘。有佳人吹笛。燭焰成龍。半生回首如春
夢。封侯者誰是英雄。掉頭歸去空山。獨臥夜雨。疎鐘
瑣窓寒。

山居

嚴曾渠

曲逕柴扉。青山當戶。閒窓清曉。深林翠竹。時有幽禽
好鳥。科頭坐看碧雲天。焚香自詠山居草。向溪邊微
步。溪流清淺。溪聲靜悄。縹緲風來處。墟里上孤烟。
斜陽相照。牛羊欲下。村店酒帘收了。有携筐浣女初
歸。頭簪野菊容偏好。想山村樂事原多。安得移家老。

玉蝴蝶

梁生鎮園有蘭名玉蝴蝶卽席賦一首

楊慎

蝴蝶不隨風去。玉英瑤蘂。猶自娟娟。瀟灑水邊林下。
洗淨朱鉛。嫦娥來梁園月。下青女降楚畹。霜前更山
前。婆婆一老。觴詠群賢。當年紫莖落葉。紉華擁珮。
故事陳篇。何似今宵。長歌石磴瀉紅泉。醉歸去香携
滿袖。似相逢解佩江仙。散塵緣。猗猗一曲。瓊軫冰絃。

擬艷

王世貞

東白堂詩選
記得秋娘家住。皐橋西弄。疎柳藏鴉。翠袖初翻金縷。
月映紅牙。啓朱唇含風桂子。喚殘醉微雨梨花。更堪
誇玉織親自。濃點新茶。嗟呀。顛風妬雨。落英千片。
斷送年華。海角山尖。不應飄向那人家。惹新愁高樓
燕子。賺人淚。芳草天涯。况潯陽。偶然江上一曲琵琶。
金陵懷古用吳璫符昭關懷古韻

張星耀

可惜江山勝地。何人斷送。王氣成空。還望南來消息。
海嶠難通。暮雲深沈埋鴻鴈。秋水濶冷落魚龍。恨難

逢。伯符兄弟。空老英雄。忡忡感今弔古。新亭獨上。
淚灑何窮。六代韶華景陽。猶聽舊時鐘。繞清溪空餘
殘壘。依碧嶽何處離宮。夕陽中寒蟬噪。晚落葉西風。
新鴈過粧樓

偶感

梁清標

鴈影縱橫。微雨過。綠陰巧弄新晴。風烟非舊。暗數當
日王程。粵秀山頭遙騁目。海珠吞吐暮潮生。到如今
蕉紅草碧。半雜軍聲。鬱孤臺邊醉客。掛片帆載月。
水漲花明。樓船飛檝。驚破曉樹啼鶯。霏霏嶺雲幾縷。

東白堂詩選
歎眉黛蕭條冷畫屏。春何處。剩亂鴉。殘照愁煞江城。

高陽臺

燕山道上有感用洪昉思九日登高韻

張星耀

樹接斜陽。山橫斷靄。驚風刺眼塵沙。半落征途。帝城遙指雲遮。南來旅鴈誰相識。伴月明。獨宿蘆花。最難禁。夢斷家鄉。幾處哀笳。千金買駿誰耶。歎烟寒碣石。室邇人遐。浪跡萍踪。隨風飄泊天涯。棲棲南北征鞍上。却總教。送盡年華。問明春。燕子多情。巢向誰家。

水晶簾外月華清

秋夜東園陸拒石席上贈紫兒

沈謙

怕聽催銀箭。早垂地。河光如練。同在瑤臺。愛月裏天香。畫簾低捲。私語傍人。都不會。要滅燭。憑東風方便。流盼。又悟得幽情。欲言仍噤。醉來也應倦。奈狂朋怪侶。滿斟頻勸。任歌鬟接黛。紅牙重按。竹脆絲嬌。空旖旎。怎賽過肉音清轉。腸斷恁相逢。就去爭如休見。

念奴嬌

悼陳子肅

瞿佑

海天何處歎人間。別有芙蓉城闕。霧閣雲窓深幾許。
獨駕青驄超越。香靄雲屏被翻翠浪。波捧龍綃襪。鏡
鸞舞罷。半簾燈影明滅。誰信一飲瓊漿。玉山自倒。
魂逐驚鴻沒。瘴雨蠻烟歸夢斷。愁滿空梁。殘月疇昔
相期。殺鷄炊黍。中道成長別。故山秋晚。何人共採薇
蕨。

妓謙

楊慎

芙蓉屏外。倒金樽。滿座艷歌凝咽。半面新粧香透幌。

環珮珊珊步怯。接黛垂鬟低聲小語。問採香仙妾。柳
嫋花停鶯鶯燕燕標格。媚眼射注檀郎。雙鴛全露。
裙底凌波襪。萬斛。脂傾在水。染就銀河一色。天作
紅墻山爲翠幕。生把伊儂。隔離魂牽夢。初回南浦涼
月。

梅

陳霆

暗香淺水。被西風扶上一痕水月。瘦鶴伶仃人未寢。
坐待茶烟清發。十五年間。四千里外。曾作羅浮客。參
橫斗轉。不堪酒散人別。天意放我清閒。夜寒鶴斃。

東白堂詩選
重踏西湖雪。醉眼朦朦花慘慘。道是相逢愁絕。林樾
閒人。水涯幽士。千古還高潔。和羹休論。笛聲且爲吹
徹。

春雪咏蘭

陳子龍

問天何意到春深。千里龍山飛雪。解珮凌波人不見。
漫說藥珠宮闕。楚殿烟微。湘潭月冷。料得多攀折。媽
然幽谷。只愁又聽啼鳩。當日九畹光風。數莖清露。
纖手分花葉。曾在多情懷袖裏。一縷同心千結。玉腕
香銷。雲鬟露掩。空贈金挑脫。洛濱江上。尋芳再望佳

節。

夏夜

梁清標

涼侵疎簾。看星河漸轉。頻催城柝。百合香勻新浴罷。
月照殘粧綽約。紈扇初停。冰肌無汗。重試羅衫薄。花
陰携手。一枝輕臂釵落。聞道世態浮雲。長安棋局。
俯仰成今昨。人在瑤臺清露下。消受藤床珠箔。橫笛
高樓。鳴蟬滿樹。塵事渾拋却。西風轉眼。又驚吹到簾
幙。

秋日

梁清標

十年京國空孟浪。解組一身如葉。浩蕩涼飈來木末。
霜滿滹沱河北。俛首浮名。驚心世路。回想頭堪白。書
生傲骨。腰圍寧使輕折。拚取潦倒詞場。醉眠錦瑟。
揮手紅塵別。茅屋三間容膝了。何必平泉奇石。雨笠
雲蓑。閒花野草。管領幽人業。江山無盡。莫教辜負風
月。

悼亡

梁清標

啼猿聲裏正蕭疎。一片霜天秋色。絃續鸞膠看兩兩。
比翼連枝無別。洛浦珠沉。湘靈瑟冷。剩有寒螿咽。鍾

情我輩那堪蘭蕙重折。回首燈火春宵。茗爐佳夕。
鴛枕偎猶熱。畱得零香餘粉在。種就柔腸千結。爲問
飛瓊還歸天上。可憶來時節。蠶絲難盡。夢回簾外殘
月。

京口歸舟

嚴沆

扁舟一葉下揚州。正值早春時節。吹浪江豚都未起。
任我朗吟蘭楫。路指南徐。雲橫北固。十里輕帆截。金
山晴了。蒜山猶帶殘雪。依舊樹映中流。鼓聲兩岸。
風景真清絕。斫石談兵何處是。歷歷舟人能說。劉尹

夏白堂詩選
荒廳孫郎斷塚。總被寒潮齧。晚汀孤泊。玉龍誰叫霜月。

陪諸公宴集埭北園林坐有魚鮫書

孫枝蔚

柳衰如此笑忙人。城市終朝相逐。畫裏烟波誰作主。付與雙鳧孤鷺。選伎徵歌。尋芳載酒。此是吾曹福。風流前輩。揚州休讓杜牧。爲問螢苑鷄臺。繁華幾處。但見青山禿。多少興亡看過了。且看湘裙六幅。年少飛揚。輕衫匹馬。曾射林中鹿。老來腸斷如花人。倚修

竹。

送越辰六遊楚

呂祚德

武昌魚美。問孤舟。掛起一帆天際。席帽羅衫。吹別恨。閱盡夏雲秋水。黃鶴飛迎。晴川在望。搖曳烟波裏。芳洲何處。禰衡鸚鵡。曾記。回首邗上鶯花。鄉關日暮。知已人千里。江漢年年流不斷。客况從來如此。莫放深杯。且携蠟屐。過訪柴桑市。待歸相訊。錦囊多少。竒思。

遣夏

關鍵

謝池草長。早燕慵鶯歇。湘簾半閉。做雨做晴。天沒主。
一日數番雲氣。苔暗桃笙。潮侵衣桁。梅也酸無味。晞
髮含愁。北窓空想高寄。無奈聒舌鳴蜩。漸漸麥秀。
故國風前倚樓外。殘陽紅一點。怎奈暮笳四起。冷落
荷塘。蒼茫荔浦。都入悲秋意。瀟散陶公。松風一枕醒
未。

贈吳梅村先輩用東坡韻

尤侗

江山如此。歎眼前。誰是舊京人物。走馬蘭亭行樂處。
尙記妙龍題壁。椽燭衣香。少年情事。頭白今成雪。杜

陵野老。風流獨數詩傑。更聽法曲淒涼。四絃撥斷。
清淚如鉛。發莫問開元天寶事。一半曉星明滅。我亦
飄零十年湖海。看雨絲風髮。何時把酒。浩歌同送明
月。

報國寺古松

傅感丁

蒼枝秀色。看亭亭。歷盡幾番霜雪。紺宇琳宮高數仞。
長護陰森靈物。龍鬣參天。虬蟠匝地。萬壑濤聲沸。曉
扶清旭。夜來還擁明月。宛似座集群真。青旗翠蓋。
掩映來金闕。捫石掃苔曾坐賞。記在天台時節。元鶴

深巢白雲濃覆不與人攀折衆芳凋盡愛他古幹如
鏡。

咏水

沈謙

冰壺一夜把清霜。浩月團團結就。恠道繡衾寒似鐵。
向曉不聞蓮漏。映日孤疑。銜花魚上。遙想融和候。滹
沱正合。可憐車馬馳驟。還憶翠閣佳人。曉空垂泪。
珠玉沾襟袖。挑得口脂呵。又冷紅入小桃。偏厚。鏤管
微含金簧旋炙。悶把無情咒。東風早至。寒江吹變醇
酎。

東園感舊

沈謙

柳梢雪盡。正東風淡迤。金芽初綻。望得春來人又去。
空鎖翠苔深院。鏡匣微開。簾鈎反挂。盡日消香篆。早
梅開了。隔窗鸚鵡驚喚。教我換取春衣。小衿禿袖。
端的誰裁剪。原是沈腰。今更瘦。寶玦頻移。帶眼暗想。
佳人羅衾晝擁也。自看春嬾。待將書寄。問他眉黛深
淺。

春晴用李易安韻

沈謙

鶯殘花老。拚一春孤負。繡簾深閉。惱地煩天。人事惡。

東白堂詩選
總沒半分爭氣。枉說相思。真成孤負。細想毫無味。如今拚了。不堪重把書寄。只是多病多愁。雲山滿目。把紅樓頻倚。拚是如今真拚了。曾奈不時記起。錦被香消。翠奩塵積。都是傷人意。不知薄倖。近來曾解情未。

和漱玉詞

彭孫通

深閨岑寂。見朱扉曲曲。銅龍雙閉。坐覺春陰寒尙峭。不斷氤氳爐氣。遠岫低雲。濃花着雨。可是伊風味。紅箋小疊。此情何處相寄。朝暮鎮是無聊。湘娥泪濕。空向花枝倚。病裏腰肢慵似柳。盡日三眠三起。芍藥欄前。清和時候。約訴纏綿意。眼看春盡。那人應是歸未。

于忠肅公祠

余懷

小舟如葉放中流。搖漾一湖春水。古木豐碑苔蘚裂。熱血鱗鱗猶紫。北狩南宮。西陵東市。總爲君臣耳。杜鵑啼罷。有人歌哭於此。當日白骨青山。孤墳聳峙。石破驚山鬼。淚灑兩朝冤少保。遙望荒祠遺址。蘋藻盈杯。棠花滿地。欹帽斜陽裏。回舟日暮。汀鷗無數翔。

起

送子范弟之睢陽

悲哉秋也。况登山臨水。黯然欲別。千里長江流夜月。萬里長城空濶。白板船開。青楓樹老。極目徒悲切。君歸梁苑。漢家何限陵闕。疇昔讓棗推梨。謝家兄弟。才氣人爭說。一夜西風吹蒼莽。吹散封胡。遏末。兄作楚囚。弟成秦贅。枕上啼鶻血。阿龍超甚。叫他長誦明發。

秋日歷下途次

張綱孫

纔離野店。任登登馬足。歷城南去。一路淒涼。霜氣冷。愁對滿林紅樹。落月長堤。新烟古道。總是銷魂處。幾番翹首。鄉關正爾秋暮。那更長笛吹殘。悲笳調咽。清淚紛如雨。無限憂心。千里隔。又是哀鴻飛度。鄉信難傳。客衣誰寄。沙草迷歸路。年華似水。早添白髮。無數。

秋浦

顧貞觀

遠天秋淨。正秋風。秔稻江鄉初熟。竟日帆移。留影外。臥柳村扉斜矗。別浦潮回。平磯葉掩。籬落輕鷗宿。薄

東白堂詩選
寒吹上春山。澹澹凝綠。眼前人麗如花。魚多似米。
船却高於屋。鷄犬圖書無恙在。生事此中粗足。烟水
携家五湖雙槳。舊約何年續。客遊良苦倦。聽商女遺
曲。

自贈

朱彝尊

葫蘆深處。歎斯人枯槁。豈非窮士。賸有虛名身後策。
小技文章而已。四十無聞。一丘欲臥。漂泊今如此。田
園何在。白頭亂髮。垂耳空自南走。羊城西窮。鴈塞
更東。浮溜水一刺。懷中磨滅。盡回首。風塵燕市草屨
是。撈蝦短衣射虎。足了平生事。滔滔天下。不知知已誰

賦得步出城東門

毛先舒

城東門外。試平原極望。烟村堪數。塞鴈飛來江燕去。
又是一番寒暑。倚遍斜橋。淹留長蕩。記起蓮心苦。綠
房攃盡。枯荷留取。聽雨。幾處近水人家。蒜鉤筒瓦。
冷落誰爲主。殘日斷霞西去。路此景總無。今古搔首
問天。天應無口。笑殺三閭腐。不如沉醉。歌而且泣。還
舞。

一笑

毛先舒

回頭一笑。攬茫茫萬古。倏然如昨日。煖月寒三十近。
經過幾番寒瘧。戰陣功名。詞壇伎倆。是處成耽擱。浮
生如此。怪他金彈彈雀。成敗此際安之。小兒強解。
把紙空磨削。坐看乾坤歸劫。火不朽。何從安着。濯足
天池。洗頭華頂。放頓殊寥廓。吾其逝矣。莫教清興閒
却。

上巳初度

韓魏

濛濛烟雨將良辰。上巳一朝拋擲。况是門懸弧矢日。

獨自淒清抱膝。曲水流觴華堂設宴。勝事閒今夕。蘭
闈望遠。此時愁緒如織。獨憐老大頭顱。流光荏苒。
三十還餘一。鄧禹封侯。年已過何處。請纓投筆叩角。
興歌聞鷄奮舞。舉世誰相識。無端忽歎。今年流落堪
泣。

宮怨

陳仲永

念奴嬌怯。儘黃昏愁共長門深鎖。報道玉階秋色滿。
一夜井梧飛墮。香繞龍旂。雲移雉扇。爭看宮車過。輕
紅在臂。芳華相對無那。早朝爭會千官。聲聲玉珮。

東白堂詩集
隱約歸青瑣。千古琵琶遺恨在。今日畫工誰箇罷宴。
瓊樓醉歸瑤月。幾侍君王左。無心買賦。御溝紅葉誰
和。

茉莉收劉叔安詞

王彥泓

簾櫳午寂。正陰陰。窺見後堂芳樹。綠遍長叢。花事杳。
忽見瓊葩丰度。艷雪肌膚。蕊珠標格。消盡人間暑。還
嫌風日。曲屏羅幕遮護。長記歌酒闌珊。微聞暗麝。
笑覓衣沾露。月沒闌干。似水相伴。謝娘窻戶。浴後
輕鬟涼生滑簟。總是牽情處。惹入幽夢。枕邊零亂。如

許。

九日同登南高峰感賦

俞士彪

繁華無定。問西湖今日。阿誰爲主。閒約清徒尋勝跡。
直上南峰高處。城郭依稀。江山冷落。繫馬閒凝竚。振
衣長嘯。劃然聲動林樹。回憶南宋遺宮。寒鴉飛盡。
感策鳴荒戍。黃菊紫萸。長似舊笑。殺英雄。塵土落日。
當杯。西風吹帽。醉把青萍舞。天生我輩。烟霞未許歸
去。

金陵懷古

姜夔

放開青眼問垂垂楊柳何人摧折金粉六朝多少恨
流作秦淮嗚咽高閣紅燈畫船翠袖鏡裏還明滅鈿
釵零亂至今遺老能說怪底紫陌尋遊莫愁湖畔
捲銀濤如雪啼得子規聲最苦纔上一輪明月帝主
經臺貴妃玉樹往事空消歇鷄鳴烟雨當時何處宮
關

錢塘懷古

計敬

銀江迢遞繞孤城天半碧峰萬疊千古興亡都只在
夕照亂流明滅錦地鷲花畫船簫鼓空自稱豪俠而

今惟見斷雲荒草殘碣可惜報國精忠金牌十二
竟敗而公業古廟空山零落盡無問趙家宮闕何處
驅愁西陵寂寞謾謾飛黃葉倦懷無道孤山且弄梅
月

秋夜感懷示張令文

洪雲來

秋光如洗見滄江鴻鴈紛飛縹緲忽憶故人山館臥
十載相憐同調白酒清歌紅花碧月歡劇忘昏曉夢
回四壁螢光星影來照世上若箇如君肝腸一片
氣與秋空杳但有黃金交自好終是悠悠行道琴峽

風。淒。劍。臺。雲。淡。千。古。知。心。少。悲。來。無。語。一。聲。天。際。長。嘯。

聞蟬

錢廷枚

杜。鵲。纔。歇。怎。匆。匆。又。是。寒。螿。淒。悄。閉。却。重。門。涼。夜。靜。
清。露。滴。殘。衰。草。絮。月。無。情。啼。風。有。恨。說。與。誰。知。道。昏。
沉。欲。睡。楚。雲。頻。被。驚。覺。偏。怪。唧。唧。三。更。何。曾。促。織。
空。促。人。愁。抱。做。弄。秋。聲。千。萬。種。斷。送。泪。珠。多。少。只。在。
窓。前。還。來。枕。畔。啼。到。何。時。了。隣。鷄。有。意。為。予。頻。喚。天。
曉。

贈段以堅

俞美英

楚。天。吳。岫。任。遊。踪。到。處。襟。期。磊。落。誰。道。窮。途。甘。折。節。
白。眼。醉。來。自。若。弔。古。多。情。傷。時。有。淚。詩。為。貧。愁。作。仰。
天。大。笑。壯。懷。那。更。蕭。索。試。問。誰。似。吾。儕。黃。金。照。銀。
豈。肯。輕。然。諾。瘦。骨。猶。堪。支。短。褐。不。羨。輕。肥。同。學。城。上。
寒。筇。江。邊。嘶。馬。風。景。年。來。惡。菊。松。堪。對。故。園。何。忍。荒。
却。

秋暮懷古

洪昇

金。風。驅。鴈。正。重。陽。初。過。籬。開。黃。菊。回。憶。清。秋。征。棹。去。

烟際曉江澄綠。不敢凝眸。強拚掩面。吞吐愁千斛。臨
歧揮涕。翻無一語相囑。誰料北去燕臺。經年契濶。
難把歸期卜。自分有情多恨別。何況天涯骨肉。月白
蘆洲。霜丹楓岸。秋影飛孤鷺。關山迢遞。夢魂誰伴。幽
獨。

感懷

徐昌薇

園林春老。怪東風吹換。瘦紅肥綠。自覺小窓情思亂。
怎學舊時粧束。翠管長閒。金針慵度。暗裏縈心曲。愁
無人見。枕函流盡紅玉。看盡縹緲孤雲。天涯無定。

不向巫峰宿。烟樹茫茫。千萬里。遮却樓頭雙目。驕馬
長嘶。杜鵑頻喚。午夢何曾熟。柔腸已斷。鸞膠無計。堪
續。

閨情

無名氏

鴛幃睡起。正飛花蘭徑。啼鶯瓊閣。對鏡梳粧。愁見那
恰恰容顏瘦弱。一自仙郎題詩寄柬。屢訂西廂約。墻
花拂影。獨眠何事。如昨。誰惜潘果空投。賈香難與。
歎愁腸。安托帶眼。頻移須看。取楊柳腰肢。如削。珠履
玲瓏。羅衫雅淡。件件無心着。何時厮見。得償今日蕭

索

客途

黃 扉

鴉啼疎樹正深秋。又是愁人離別。一路丹楓驚客夢。
 幾度辭家見月。書劍飄零。長途奔逐。老盡英雄骨。何
 時樽酒斷橋再踏殘雪。曉際結伴同行。旗亭驛舍。
 處處傷情切。砧杵聲中鷄唱早。曲澗奔流如咽。遠寺
 鐘鳴。荒村烟靄。脚底芒鞋滑。嗟予半世。雲山歷遍千
 疊。

清明後一日集吳山望西子湖分韻

陸 進

暫携嘉客集吳山。頂上閒評今古。宿雨野雲渾未散。
 一似情懷凄苦。宋室衣冠。錢家宮闕。試問歸何處。惟
 餘佳景任他。鶯燕歌舞。况是百六初過。濃烟淡日。
 脉脉連平楚。玉笛雙吹聲更好。喚醒兩峰眉。嫵翠浪
 漾。洞虹梁隱現。堪作登高賦。一樽相對。興來休歎遲
 暮。

湖晚

陸 進

沿堤垂柳綠痕齊。不動一絲風色。翠蓋朱華昏水氣。

東白堂詩選
十里宛如香國。玉兔東昇。赤鳥西墜。溽暑纔收拾。畫
船遙見。有人樓上吹笛。爲說弱質凝酥。晚粧力倦。
汗透紅綃。袖手潑殘脂。還未了。驚起鴛鴦幾隻。無數
閒情。許多好景。難付龍鬚席。低聲叮囑。湖中尚有遊
客。

夏閨

陸進

困人天氣。正夏日初長。綠堦苔細。一自春歸多病後。
腰細長扶不起。翠管慵拈。金針嬾度。紅豆無心記。千
般排遣。黃昏依舊難睡。回首月下。閒情花間密約。

攜手東風裏。只道多情常會面。那識別離滋味。烟樹
樓高。雨花路滑。盼殺長淮水。空教贏得盈盈兩袖珠
淚。

壽吳蘭次先生次余澹心韻 陸進

英雄牢落似當年。楚客吹簫吳市。一夜金風吹旅夢。
恨滿碧湖澄水。塞馬功名。浮鷗世界。且白雙眸子。仰
天長嘯。勸君何用愁此。又值今歲懸弧。山前小酌。
不覺陶然矣。到得黃梁炊漸熟。方信人生如是。調叶
紅牙。詞填白雪。簡寄憑黃耳。閒愁休問。窓前月色方

起

踏月送客歸楚

陸進

楚客將歸。且今宵。同看夾城明月。踏碎滿堦疎樹影。
 不怕啼鶻。饒舌流水無聲。歸鴻不語。似共愁懷結。湖
 山遙望晚烟堆裏一抹。聞道彭蠡秋濤。洞庭春浪。
 浩渺千層雪。到得水輪深夜起。神女珠光明滅。風景
 雖殊。情懷正好。分手驚倉猝。布帆歸去。銀河天際欲
 沒。

湖樓曉坐同陸子德衣

羅鑛

曉霜紅徹。看數峰遠近。輕嵐如沐。蕭寺鳴鐘清入耳。
 不顧閒鷗。睡熟門傍六橋樓。當放鶴韻事。憑誰續。倚
 闌凝睇。南屏青翠遙矗。况是勝友如雲。衡今弔古。
 橫笛吹寒玉。西子嬌憨。渾未醒。鏡裏雙蛾。頻感月色
 微茫。露珠零亂。涼氣荷衣馥。天應不負。尋幽滿載。醞
 際。

落梅

佟世南

薄劣東風。怪朝來。吹墮一林香雪。不照美人粧額上。
 暗度綠窻朱闥。蝶翅翩翩。魚鱗飄蕩。迷却羅浮月。酸

東白堂詩選
心梅子。枝頭一點偷結。憶昔乍逗春情。淡粧初試。
淺笑生銀靨。終日倚欄凝望眼。素袖不勝寒怯。玉碎
樓頭粉消。鏡裏腸斷。君休說。笛聲正在斜陽影外。嗚
咽。

憶別

張星耀

依依。彈淚駐華驄。愁認斷橋西路。此地曾經離別處。
不斷。淒風苦雨。樓鎖垂楊。窻銜落照。寂寞閒歌舞。春
光誰管。亂鶯啼遍芳樹。又奈綠綺長閒。彩毫慵把。
心事何堪訴。斷梗飄萍。能再會。已是韶華耽誤。頭白
數。文君倦遊。司馬相對。情淒楚。燈前月下。還將舊恨重

弔小青墓

張星耀

青山不改。甚無情埋却美人香骨。陰晝青燐光閃爍。
時共艷魂。出沒衰柳寒鴉。西風落照。流水鳴咽。荒
涼孤塚。蕭蕭亂下紅葉。還憶翠管題情。挑燈對影。
吟罷腸應絕。今世紅顏。原不少。大半遭他磨折。一片
蒼苔半堆黃土。千古風流歇。西湖依舊碧波冷。浸秋
月。

感懷簡舜瞻弟

張星耀

哀鳴鴻鴈。問秋來何事紛紛。南渡邊塞。料應冰雪。冷此。地風霜更苦。莽莽乾坤。栖栖吾輩。究竟成何補。古來豪傑。幾多埋沒塵土。但聽潮怒錢塘。錢鏐安在。荒草迷孤墓。最愛西冷山色好。依舊龍飛鳳舞。江水東流。夕陽西逝。俯仰悲今古。雄圖莫定。酒徒聊與爲伍。

暮春

張星耀

遊絲裊裊。繫殘春不住。風吹欲絕。不怨柳梢花捲盡。

但恨漫天如雪。江北江南。斷腸消息。燕共鶯兒說。盈一水。人間多少離別。樓外一抹輕雲。慣將夢阻。欲睡心先怯。江漫泪珠流不去。山斷離愁重接。羞理殘粧。胭脂淺淡。仗酒紅雙頰。沉吟坐久。畫屏飛上銀月。

別周奕昌

張星耀

朔風乍起。却將他千里。晚雲吹碎。別後傷情猶易遣。偏是難拚此際。半面含啼。雙眉匿恨。頻勸杯中味。離歌懶聽。玉山自倒。非醉。因念幾載追尋。千山歷跋。

見面非容易。一夜瑣窓寒。漏斷依舊吳頭楚尾。別館看花。孤舟對月。灑盡相思淚。江城天隔。祇通一線春水。

絳都春

夏夜

陸進

蘭湯浴罷。喜湘簾乍捲。玉鈎斜挂。窄縹霞紅。長袖鴛青。殘粧卸。倚闌獨立。花陰下。恁些小。胆兒還怕。低喚檀郎。怪他暗擁小鬟頭也。堪畫清光。點染正翠徑。葡萄垂垂滿架。不奈多愁。敲遍疎竹。無人話。懸知此際。情難捨。想零亂雲鬢。香麝仰看斗轉。銀河炎歊初謝。

際情難捨。想零亂雲鬢。香麝仰看斗轉。銀河炎歊初謝。

